

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Azpiegituretarako eta Lurralde Garapenerako Saila**

Bizkaiko Foru Aldundiaren 31/2026 FORU DEKRETUA, apirilaren 1ekoa, zeinaren bidez onesten baitira 2026. urtean bide-azpiegituretan berrikuntza sustatzeko dirulaguntzen oinarri arautzaileak eta deialdia.

Azpiegituretarako eta Lurralde Garapenerako Sailak esleituta dauzka indarreko ordenamenduak Bizkaiko Foru Aldundiari errepideen eta bizikleta-bideen arloan aitortzen dizkion eskumenak: errepide eta bideak planifikatu, proiektatu, eraiki, kontserbatu, aldatu, finantzatu, erabili eta ustiatzeko eskumen eksklusiboa, baina Euskal Autonomia Erkidegoak lurralde historiko bakoitzeko errepide-sare guztiak koordinatzeko dituen ahalmenak aintzat hartuta. Hori guztia honako xedapen hauetan ezarritakoaren arabera: Euskal Herriaren Autonomia Estatutuaren 10.34 artikulua, Autonomia Erkidegoko Erakunde Erkideen eta Lurralde Historikoetako Foru Organoen arteko Harremanei buruzko 1983ko azaroaren 25eko 27/1983 Legearen 7.a.8 artikulua eta 7.a.10 artikulua eta arlo bereko gainerakoak, 1985eko martxoaren 5eko 17/1985 eta martxoaren 12ko 31/1985 foru-dekretuak (biak aurreko lege hori garatzeko eman ziren).

Iraultza teknologiko eta sozial orokor baten aurrean gaude. Teknologia berriek, batez ere digitalizazioak eta automatizazioak, joera sozial berri batzuekin batera (esaterako, ingurumen-iraunkortasunaren aldeko sentsibilitatea eta erabiltzailean oinarritzen den mugikortasun kolaboratiboa eta partekatua), eragina dute pertsonen interakzioan, joan-etorrietan eta lankidetzan.

Garraio-azpiegituren sektorean eta, zehatzago, errepideen sektorean, joera horiek mugikortasun-eredu berriak sortzen dituzte, pertsonen, ibilgailuen eta bide-azpiegituren arteko konektibitatearen garapenean oinarrituta daudenak eta ibilgailu elektrikoa eta haren banaketa-sarea bultzatuz deskarbonizazioaren aldeko soluzioak eskaintzen dituztenak. Gidatze automatizaturantz eta garraio multimodal eta partekaturantz eboluzionatzen ari gara, eta autotza oinarri duen garraioaren paradigma barik, mugikortasun-ereduaren gunean erabiltzailea duen paradigma nagusitzen ari da. Egunez egun ari da inposatzen errealitate hori, eta bide-azpiegituren kudeaketak eta bide-sarearen jarduerak laster horretara egokitu behar dute.

Azpiarratu beharrekoa da Euskadi, administrazio publikoaren maila guztietan, apustu sendoa egiten ari dela ingurumenaren babesean eta klima-aldaketa arintzearen alde. Urban Klima 2050 proiektuak 9 jomuga eta 24 jardun-lerro definitzen ditu Euskadik klima-aldaketaren aurka duen jarrera sendotzeko. Jomuga horietako batean, bide-azpiegituretarako jardun-lerroak eta ekintzak ezartzen dira, klima-aldaketaren aurrean haien egokigarritasuna eta erresilientzia sustatzeko monitorizazioaren, mantentzearen eta berrikuntzaren bitartez.

Berrikuntzak ekintza-tresna estrategikoa izan behar du errealitate berri horretara egokitzeko. Katalizatzaile bat izan behar du teknologia berriek, gizarte-eredu berriek eta ingurumenaren iraunkortasunak ezarriko dituzten erronkei eraginkortasunez erantzuteko; horrek dakar Azpiegituretarako eta Lurralde Garapenerako Sailak egiten dituen jardueren balioa maximizatzea, Bizkaiko bide azpiegituretan ia 1.300 km kudeatzen dituelako.

Dekretu hau eta beronen helburuak Azpiegituretarako eta Lurralde Garapenerako Sailak helburu honi begira sustatutako jarduketaren parte dira: herritarrei foru-errepideen sare seguruago, modernoago eta fidagarriago bat eskaintzea eta sare hori teknologia zein joera berrietara eta ingurumenaren iraunkortasunera egokitzea.

Azpiegituretarako eta Lurralde Garapenerako Sailaren 2024-2027 Dirulaguntzen Plan Estrategikoak dirulaguntzetarako ekintza bat aurreikusten du, dekretu honetan eta Bizkaiko Lurralde Historikoko Aurrekontu Orokorretan diruz lagunduko diren proiektuei laguntzeko. Urtero esleitzen dira ekintza horiek gauzatzeko behar diren kredituak, eta, horretarako, beharrezkoa da haien araudi erregulatzailea ezartzea. Dirulaguntza-ekintza horren helburu estrategikoa «Bide-azpiegiturei aplikatutako berrikuntza sustatzea»



da, eta, horren barruan, «Irabazi-asmorik gabeko enpresei eta erakundeei dirulaguntzak ematea bide-azpiegituretan berrikuntza sustatzeko» helburu espezifikoa.

Era berean, genero-ikuspegia txertatzen da foru-dekretu hau prestatzean, honako hauek betez: 1/2023 Legegintzako Dekretua, martxoaren 16koa, zeinaren bidez onesten baita emakumeen eta gizonen berdintasunerako eta emakumeen aurkako indarkeria matxistarik gabe bizitzeko Legearen testuategina (aurrerantzean, Berdintasunerako Legearen testuategina); 4/2018 Foru Araua, ekainaren 20koa, Emakumeen eta Gizonen Berdintasunerakoa, eta 112/2024 Foru Dekretua, BFA generoaren arabera eraginaren aurretiazko ebaluazioa arautzen duena. Ildo horretan, foru-dekretu hau izapidetzean, genero-inpaktuaren aurretiazko ebaluazioari buruzko txostena sartu da.

Halaber, kontuan hartu da zer xedatzen duen maiatzaren 28ko 63/2019 Foru Dekretuak, zeinaren bidez ezartzen baitira Bizkaiko Foru Aldundiaren, haren erakunde autonomoen eta foru-sektore publikoaren jardun-eremuan hizkuntza ofizialak erabiltzeko irizpideak, eta zer xedatzen duen Bizkaiko Foru Aldundiaren dirulaguntzetarako prozeduretan klausula sozialak, ingurumenekoak eta beste politika publiko batzuei buruzkoak sartzeko gidan (Bizkaiko Foru Aldundiaren otsailaren 27ko 16/2018 Foru Dekretuaren bidez onetsi zen).

Araubidea oinarri hauetan ezarrita duten dirulaguntzak salbuetsita daude Europako Batzordeari aldeztu aurretik jakinarazteko betebeharretik, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzko Batzordearen 2013ko abenduaren 18ko 2023/2831 (EB) Erregelamenduaren arabera.

Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1. artikulua ahalmena ematen dio Bizkaiko Foru Aldundiari dirulaguntzen emakida arautuko duten oinarriak onesteko foru-dekretu bidez, aurretik zerbitzu juridikoak txostena emanda; eta Diru-laguntzen Erregelamendua onetsi zuen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluak duela haiek onesteko ahalmena.

Halaber, otsailaren 13ko 3/1987 Foru Arauak, Bizkaiko Lurralde Historikoko Foru Erakundeen Hautapen, Antolaketa eta Funtzionamenduari buruzkoak, 39 k) artikuluan xedatzen duenez, foru-diputatuak dagokie Bizkaiko Foru Aldundiari proposatzea, onartzea, bere sailaren berezko gaiei buruzko foru-dekretuaren proiektuak. Kasu honetan, Azpiegituretarako eta Lurralde Garapenerako Saileko foru-diputatuak dagokio foru-dekretuaren proiektu hau proposatzea.

Foru-dekretu honek betetzen ditu erregulazio onaren printzipioak, zeinak Administrazio Publikoen Administrazio Prozedura Erkidearen urriaren 1eko 39/2015 Legean (aurrerantzean, 39/2015 Legea) aurreikusten diren eta Bizkaiko Foru Aldundiaren ekainaren 15eko 87/2021 Foru Dekretuaren 3. artikuluan jasotzen diren (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Hori dela bide, Azpiegituretarako eta Lurralde Garapenerako Saileko foru-diputatuak proposatuta eta Bizkaiko Foru Aldundiaren Gobernu Kontseiluak aztertu eta onartu ondoren, honako hau,

XEDATZEN DA:

Artikulu Bakarra. — Oinarri arautzaileak eta deialdia onartzea

2026ko bide-azpiegituretan berrikuntza sustatzeko dirulaguntzen programaren oinarri arautzaileak eta deialdia onartzea. Testua ondoren txertatuko da.

**BIDE-AZPIEGITURETAN BERRIKUNTZA SUSTATZEKO DIRULAGUNTZEN
OINARRI ARAUTZAILEAK ETA DEIALDIA 2026. URTEAN (IV26)****AURKIBIDEA****I. titulua. — *Xedapen orokorrak.***

1. oinarria. — Foru-dekretuaren xedea eta definizioak.
2. oinarria. — Entitate onuradunak.
3. oinarria. — Diruz lagundu daitekeen egitatea.
4. oinarria. — Laguntzen zenbatekoa.
5. oinarria. — Dirulaguntza jaso dezaketen gastuak.
6. oinarria. — Burutzeko epeak.
7. oinarria. — Eskabideak aurkezteko epea.
8. oinarria. — Gehieneko eskabide-kopurua.
9. oinarria. — Dirulaguntzak emateko prozedura.
10. oinarria. — Balorazio-irizpideak.
11. oinarria. — Aurkeztu beharreko agiriak.
12. oinarria. — Erakunde laguntzaileak.
13. oinarria. — Dirulaguntza ordaintzea.

II. titulua. — *Dirulaguntzetarako xedapen komunak.*

14. oinarria. — Dirulaguntza jaso dezaketen gastuetarako irizpide orokorrak.
15. oinarria. — Gastuen egokitza pen a.
16. oinarria. — Dirulaguntzak metatzea.
17. oinarria. — Dirulaguntzen bateragarritasuna.
18. oinarria. — Laguntzaren publizitatea.
19. oinarria. — Emandako dirulaguntzak argitaratzea.

III. titulua. — *Dirulaguntzak emateko prozedura.*

20. oinarria. — Eskabideak aurkeztea.
21. oinarria. — Laguntzak emateko prozedura antolatu, aztertu eta ebatziko duten organo eskudunak.
22. oinarria. — Espedientearen instrukzioa.
23. oinarria. — Eskabideen ebaluazioa.
24. oinarria. — Ebazpen-proposamena.
25. oinarria. — Aurrekontuaren muga.
26. oinarria. — Ebazteko epea.
27. oinarria. — Ebazpena.
28. oinarria. — Errekurtsoak.
29. oinarria. — Dirulaguntzari uko egitea.
30. oinarria. — Jakinarazpen elektronikoa.

IV. titulua. — *Dirulaguntzen kudeaketari eta egiaztapenari buruzko xedapen orokorrak.*

31. oinarria. — Azpikontratazioa.
32. oinarria. — Justifikatzeko modua.
33. oinarria. — Baldintzak aldatzea.

**V. titulua. — Dirulaguntzak itzultzea.**

34. oinarria. — Dirulaguntza erakunde onuradunak berak borondatez itzultzea.

35. oinarria. — Ez-betetzeak.

36. oinarria. — Ez-betetzeak mailakatzeko irizpideak.

VI. titulua. — Dirulaguntzen arloko arau-hauste administratiboak.

37. oinarria. — Zehapen-prozedura..

38. oinarria. — Deslokalizazioa..

Xedapen gehigarri bakarra. — Datu pertsonalen babesa.**Azken xedapenak.**

Azken Xedapenetako Lehenengoa. — Araubide juridikoa.

Azken Xedapenetako Bigarrena. - Arauen garapena.

Azken Xedapenetako Hirugarrena. - Aurrekontuko zuzkidura.

Azken Xedapenetako Laugarrena. - Indarrean jartzea.

I. eranskina. — Baldintza orokorrak.

Administrazio-baldintza orokorrak.

Baldintza tekniko orokorrak.

II. eranskina. — Baldintza tekniko espezifikoa.

Erabiltzen diren errepideetako zoru esperimentaleko geruzetarako berariazko baldintza teknikoak.

I. TITULUA**XEDAPEN OROKORRAK****1. oinarria. — Foru-dekretuaren xedea**

1. Oinarri arautzaile hauetako dirulaguntzen helburua da foru-errepideen sarea hobetzea eta modernizatzea, teknologia aurreratu berriak modu iraunkorrean eta ingurunean integratuan aplikatu eta probatu daitezen.

2. Definizioak:

Oinarri hauen eta deialdi honen ondorioetarako, honela definitzen dira honako hauek:

- a) «Ekoizpen-zentroa»: antolamendu espezifiko duen ekoizpen-unitatea; lan-agintaritzaren aurrean alta emanda egon behar da eta, berez, lantoki bat da, Langileen Estatutuaren Legearen testu bategina onartzen duen urriaren 23ko 2/2015 Legegintzako Errege Dekretuaren 1.5 artikulua arabera.
- b) «Berrikuntza enpresan»: Enpresa-berrikuntza produktu edo negozio-prozesu berri edo hobetu bat (edo bien konbinazioa) sortzean datza, zeina enpresaren aurreko produktu edo negozio-prozesuetatik nabarmen aldentzen den eta merkatuan sartu edo enpresan ezarri den. Berrikuntza teknologikoa edo beste arlo batekoa izan daiteke. Enpresak eskaintzen dituen produktu eta zerbitzuetan zein prozesuetako edozeinetan egin daiteke (produktzioa, hornikuntza, merkataritza, banaketa, pertsonen kudeaketa, laguntza-prozesuak, negozioaren garapena...). Berrikuntzaren arloan hemen adierazi ez denari dagokionez, 2018ko Osloko Eskuliburuan (Berrikuntzari buruzko datuak bildu, igorri eta erabiltzeko gidak, 4. edizioa, ELGA) jasotako definizioak hartuko dira kontuan.

2. oinarria. — Entitate onuradunak

1. Pertsonalitate juridiko propioa duten enpresek eta Zientzia, Teknologia eta Berrikuntzaren Euskal Sareko agenteek jaso ahal izango dituzte dekretu honetan araututako dirulaguntzak.



2. Erakunde onuradunek honako baldintza hauek bete beharko dituzte:
 - a) Bizkaiko Lurralde Historikoan gutxienez produkzio-zentro bat izatea, lantoki horretan gutxienez hiru langileko plantilla duena, lanaldi osoko urteko baliokideetan.
Betekizun hori ez zaie aplikatuko Zientzia, Teknologia eta Berrikuntzaren Euskal Sareko agenteei.
Baldintza hau, pertsona-kopuruari buruzkoa, eskabidea aurkezten den unean egiaztatu behar da, eta ebazpena eman eta ordainketa egin arte betetzen jarraitu.
 - b) Egunean izatea zerga-betebeharrak, Gizarte Segurantzarekikoak eta dirulaguntzak itzultzearen ondoriozkoak. Era berean, Dirulaguntzei buruzko azaroaren 17ko 38/2003 Lege Orokorraren 13.3 bis artikulua arabera (aurrerantzean, 38/2003 Legea), 30.000,00 eurotik gorako dirulaguntzetarako, eskatzaileak zuzenbide publikoko erakundeez bestelako pertsona fisiko eta juridikoak direnean eta irabazi asmoa merkataritza-eragiketetan berankortasunaren aurka borrokatzeko neurriak ezartzen dituen abenduaren 29ko 3/2004 Legeari (aurrerantzean, 3/2004 Legea) lotuta dagoenean, ordainketa-epeak betetzen dituztela egiaztatu beharko dute, artikulua horretan xedatutakoaren arabera.
 - c) Ez egotea Emakumeen eta Gizonen Berdintasunerako 2018ko ekainaren 20ko 4/2018 Foru Arauaren (aurrerantzean, 4/2018 Foru Araua) 42. artikuluan ezarritako egoeratariko batean.
 - d) Ez egotea Dirulaguntzei buruzko 5/2005 Foru Arauaren 12. artikuluan azaltzen diren inguruabarretako batean ere.

Goiko b), c) eta d) baldintzak automatikoki egiaztatuko dira.

Baldintzok ez betetzeak berekin ekarriko du erakunde onuradunaren izaera lortzeko debekua, eta debeku horrek berau eragin duten inguruabarrek irauten duten bitartean iraungo du, 5/2005 Foru Arauaren 12. artikuluan ezarritakoaren arabera.

3. Kasu guztietatik kanpo geratzen dira sozietate publikoak, zuzenbide publikoko erakundeak, ondasun erkidegoak eta sozietate zibilak.

4. Dirulaguntzaren bat jasotzen duten erakunde onuradunek 5/2005 Foru Arauaren 13. eta 41. artikuluetan xedatutakoa bete beharko dute. Bereziki, jasotako funtsak zertan erabili diren frogatzen duten agiri guztiak gorde beharko dituzte, agiri elektronikoak barne, finantza-kontrolaren eginkizunak dituzten organoen egiaztapen-jardueren eta kontrol-jardueren xede izan baitaitezke, eta haiei lankidetzak eskaini beharko baitiete.

5. Dirulaguntzen onuradun diren erakundeei 4/2018 Foru Arauaren 46. artikuluan ezarritakoa bete beharko dute; zehazki, modu aktiboan sustatu beharko dute emakumeen eta gizonen berdintasuna, eta lan-baldintza duin eta gizalegezkoak, diskriminaziorik sortzen ez dutenak, bermatu.

6. Dirulaguntzen erakunde onuradunek 2019ko maiatzaren 28ko 63/2019 Foru Dekretuaren 13.3 eta 13.4 artikuluetan ezarritakoa bete beharko dute; dekretu horren bidez, hizkuntza ofizialak erabiltzeko irizpideak ezartzen dira.

7. Diruz lagundutako erakundearen betebeharra izango da, halaber, diruz lagundutako proiektua garatzea eta gauzatzea eskatzen duten eragiketen ondorioz hirugarren batzuei (Bizkaiko Foru Aldundia barne) eragindako kalte eta galera guztiak ordaintzea. Alde horretatik, erantzukizuna izango dute, diruz lagundutako proiektua garatzeari eta gauzatzeari buruzko esparruaren barruan, errepidean edo haren edozein elementutan kalteak eragiten dituztenek.

3. oinarria. — Diruz lagundu daitekeen egitatea

1. Bide-azpiegituren arloan berrikuntza-proiektuak egiteagatik emango da dirulaguntza; proiektu horiek koherenteak izan behar dute erakunde eskatzailearen jardura nagusiarekin, eta foru-errepideen sarean aplikagarriak izan behar dute.

2. Bizkaian kokatutako ekoizpen-zentroak egin behar ditu diruz lagunduko diren proiektuak.



Betekizun hori ez zaie aplikatuko Zientzia, Teknologia eta Berrikuntzaren Euskal Sareko agenteei.

3. Bizkaiko foru-errepideen sarean aplikatzekoak izan beharko dute diruz laguntzen diren proiektuek, eta erakunde eskatzailearenak izango dira proiektu horien jabetza eta know-howa; Bizkaiko bide-azpiegituren esparruan aplikatzen diren jardueren gastuak bakarrik izango dira diruz laguntzekoak.

4. Diruz lagunduko diren proiektuak Azpiegituretarako eta Lurralde Garapenerako Sailak ezarritako hiru lerro nagusietako bati egokitu behar zaizkio, eta harekin koherenteak izan. Hona hiru ildoak:

- 4.1. ITS aurreratuak.
- 4.2. Azpiegitura adimenduna eta digitala.
- 4.3. Jasangarritasuna eta ekonomia zirkularra.

Hiru lerro horietan, besteak beste, honako proiektu-mota hauek sartzen dira:

4.1. ITS aurreratuak

- a) Sistema kooperatiboak (C-ITS).
- b) Wifi eta/edo 5G bidezko komunikazio-probak egitea konektaturiko ibilgailuetan.
- c) Eskariaren kudeaketa: joan-etorriei buruzko erabakiak hartzea, ibilbidea aukeratzeta eta plangintza egitea.
- d) Joan-etorrien iraupenei eta ibilgailuen sorburuko/helmugako matrizeei, fluxuei eta trafikoaren egoerari buruzko datuak eta informazioa atzematea eta tratatzea.
- e) Gertaerak, intzidenteak, larrialdiak eta trafikoaren anomaliak denbora errealean detektatzea eta automatikoki erantzutea. Erabiltzaileei eta errepidearekin zerikusia duten agente zein operadoreei jakinaraztea halako egoerak.
- f) Ibilgailu astunak eta garraio bereziak kudeatzea. Jarraipena, kontrola eta monitorizazioa.
- g) Ibilgailuei buruzko datuak eta informazioa atzematea eta tratatzea denbora errealean eta historikoan.
- h) Planifikatzaile multimodalak eta mugikortasun-plataformak integratzea zerbitzu gisa.
- i) Trafikoaren kudeaketarako eta bide-segurtasunerako plataforma, mugimenduan dauden ibilgailuen datuen bidez (FCD) denbora errealean eta historikoan jasotako datuetan oinarritua.
- j) Bide-azpiegiturak diseinatzeko, eraikitzeko, erabiltzeko eta mantentzeko hodeiko zerbitzu-soluzioak.

4.2. Azpiegitura adimenduna eta digitala

- a) Bide-sareko sentzorizazioa, monitorizazioa, automatizazioa eta segurtasuna, batez ere elementu kritikoetan (tunel, ezpona eta bidezubietan), azpiegituren jardura aurreratua egin ahal izateko.
- b) Kontrol topografikoa –datuak hartzea eta monitorizazioa– lekuan bertan eta azpiegituran.
- c) Aktiboen inbentarioa: bide-sarearen ezaugarri geometrikoen, elementu funtzionalen eta ekipamenduaren digitalizazioa eta automatizazioa.
- d) Aforoei buruzko datuak hartzea. Intrusiboak ez diren teknologiak, datuak denbora errealean ematen dituztenak.

4.3. Jasangarritasuna eta ekonomia zirkularra

- a) Hondakin-materialak berrerabiltzea eta bide-zoruen geruzetan birziklatzea.
- b) Zaratarik ateratzen ez duten zoladurak.
- c) Ikuspen handiko seinale horizontalak.



- d) Azalera fotoluminiszenteak.
- e) Energia-kontsumoen eraginkortasuna eta karbono-aztarnaren murrizketa.
- f) Bide-azpiegiturak eraikitzean eta haietan jardutean ingurumen-inpaktu txikiagoa izateko neurriak.

5. Diruz lagundu daitezkeen proiektuek, garatzen diren bitartean, nahitaez bete beharko dituzte Bideen Berrikuntzarako Zerbitzuko langileek trafikoan, errepidean bertan eta jabari publikoa osatzen duten gainerako elementuetan izango duten eragina behar bezala arautzeko eskatzen dituzten administrazio-jarraibideak eta jarraibide teknikoak.

6. Edonola ere, proiektuek ez dute sexuan oinarritutako bereizkeriarik egingo, eta sexuaren arabera rola eta estereotipoak desagerrarazteko ahalegina egingo dute.

7. Honako proiektu hauek ez dira joko diruz laguntzeko moduko egitatetzat:

- a) Bizkaiko bide-azpiegituren esparruan aplikatzekoak ez diren proiektuak.
- b) «Funtsezko ikerketa» edo «industria-ikerketa» egiteko proiektuak, Itunaren 107. eta 108. artikulua aplikatzaren ondorioz (2014-06-26ko AO, L 187), zenbait laguntza-kategoria barruko merkatuarekin bateragarritzat jotzen dituen 2014ko ekainaren 17ko 651/2014/EE Batzordearen Erregelamenduan jasotako definizioarekin bat (aurrerantzean, 651/2014 (EB) Erregelamendua).
- c) Azpiegiturarako eta Lurralde Garapenerako Sailaren Bizkaiko Bide Azpiegituren Berrikuntza eta Iraunkortasunerako 2024-2027ko Planaren helburuekin bat ez datozen jarduerak eta/edo Azpiegiturarako eta Lurralde Garapenerako Sailari dagozkion eskumenen eremutik kanpoko jarduerak.

4. oinarria. — Laguntzen zenbatekoa

1. Laguntzen zenbatekoa kalkulatzeko, diruz lagundu daitezkeen gastu bakoitzari % 70eko laguntza-intentsitatea aplikatuko zaio.

2. Erakunde eskatzaile bakoitzeko eta lagundutako proiektu bakoitzeko jasotako laguntza ez da 100.000 eurotik gorakoa izango.

3. Proiektu bakoitzean, langileen barne-gastuetarako laguntzaren gehieneko zenbatekoa honako bi zenbateko hauetako txikiena baino txikiagoa izango da:

— 25.000 euroko gehieneko muga.

— Hirugarrenek egindako zuzeneko gastuetarako laguntzaren zenbatekoaren bikoitza.

4. Ez da 6.000 eurotik beherako dirulaguntzarik emango. Muga hori ez da aplikatuko laguntzaren azken zenbatekoa dekretu honen 16. eta 17. oinarrietan ezarritako laguntzen metaketa- eta bateragarritasun-irizpideen ondorioz egindako murrizketa baten emaitza bada, edo kreditu erabilgarria agortzeagatik egin den murrizketa baten ondorio bada.

5. Foru bide-sarean zerbitzuan dauden errepideetako bide-zoruen geruzetako materialetan probak egiteko proiektuetarako bakarrik, laguntzaren zenbatekoa 70.000 euroko gehieneko zenbateko osagarrian handitu ahal izango da. Zenbateko hori erabiliko da deialdiko «Erabiltzen diren errepideetako zoru esperimentaleko geruzen berariazko baldintza teknikoak» eranskinean adierazitako kalitate-kontrolaren jarraipena egiteko saiakuntzei lotutako gastuak eta lehendik dagoen bide-zorua kentzeko eta birjartzeko lanak estaltzeko; hori guztia proposatutako proiektuan zehaztutako tartea kontserbatzeko ardura duen unitatearen aurretiazko baimenarekin.

5. oinarria. — Dirulaguntza jaso dezaketen gastuak

1. Laguntza-programa honetan aurkeztutako proiektuen diruz laguntzeko moduko oinarriaren zenbatekoa kalkulatzeko, proiektuaren aurrekontua hartuko da kontuan. Aurrekontuak kontzeptuen arabera banakatuta egon behar du.

2. Zehatzago, hirugarren batzuek eginiko lanen zuzeneko gastuak (hornidurak, obrak edo zerbitzuak) diruz laguntzekoak izango dira, halako gastuek zuzeneko lotura badute proiektuarekin (diruz laguntzekoak ez diren gastuen kasuan izan ezik).



3. Aurkeztutako proiektuak iraun bitartean, proiektua burutzeko lanari dagozkion barneko pertsonal-gastuak. Kontzeptu horren barruan sartuko dira soilik soldata gordina eta karga sozialek (Gizarte Segurantzaren) erakunde eskatzaileari eragiten dizkieten pertsonal-gastuak. Pertsona bakoitzeko orduko kostua kalkulatzeko horrela egingo da:

$$\frac{\text{G.S.K.O.} \times 12 \times 1,25}{\text{Urteko ordu kopurua}}$$

Azalpena:

- i) G.S.K.O.: gertaera arruntak direla-eta langileak Gizarte Segurantzari egin beharreko hileko kotizazio-oinarria da. Beste kotizazio-araubide batzuen mendeko pertsonen dagokienez, Gizarte Segurantzaren araubide orokorreko oinarriarekin parekatutako oinarri bat hartuko da.
- ii) Urteko ordu-kopurua: langileak, lan-hitzarmenaren arabera, urtean egin beharreko ordu-kopurua da, kasu bakoitzean lanaldiaren murrizketaren portzentajea kontuan hartuta, halakorik egonez gero. Besterik adierazi ezean, urteko 1.720 ordu hartuko dira.

Diruz laguntzeko oinarria kalkulatzeko, gehienez 3 pertsona hartuko dira kontuan 3 eta 50 langile bitarteko enpresen kasuan, eta gehienez 6 pertsona 50 langiletik gorako enpresen kasuan.

Nolanahi ere, 3 eta 50 langile bitarteko enpresen kasuan, ez du gaitutako 120 orduko kopurua proiektuko eta hilabeteko, ezta 240 orduko kopurua ere proiektuko eta hilabeteko, 50 langile baino gehiagoko enpresen kasuan.

Justifikazioan, esleipen-unean onar zitekeen gehieneko ordu-kopuru bera onartuko da, proiektuaren epeen aldaketak gorabehera.

4. Ondoko hauek ezin izango dute dirulaguntzarik jaso:

- a) Hirugarren batzuek eginiko zuzeneko gastuak, 1.000 euro (BEZik gabe) baino gutxiagoko gastuen frogagiriak sortzen dituztenak. Salbuespen gisa, beste gastu batzuk onartuko dira, baldin eta haien sortzapena edo ordainketa epetan edo lotetan zatitu bada, eta adierazitako zenbatekoa baino gutxiagoko justifikazio-argiak sortzen badituzte; horretaz gain, seriean zehar trazabilitate argia egon behar da, aukera izan dadin egiaztatzeko dirulaguntza jaso dezakeen gastuaren kontzeptu berari lotutako kopurua osoa 1.000 euro edo gehiago dela.
- b) Zergak eta tasak, BEZa barne (BEZa berreskuratu ezin den kasuetan ere bai), eta kanpoan utzita jabetza industrialaren babesteko prozesuei lotutako tasak.
- c) Zeharkako gastuak.
- d) Proiektuaren enpresa sustatzaileen edo bazkideen arteko fakturazioa.
- e) Gastu orokor osagarriak, adibidez administrazio gastuak, dietak, kontsumo orokorrak (energia, ura, mezulariak, posta, garbiketa, telefonia, segurtasuna, bulegoko materiala...).
- f) Bidaien, otorduen eta mantenuaren gastuak.
- g) Aktibo finkoak alokatzeko gastuak.
- h) Garraio elementuak.
- i) Lokalen pintaketa, alikatatua eta egokitzea.
- j) Plangintzako informatikako paketeak (ERP, CRM, GMAD... motakoak).
- k) Edozein kudeaketa-sistema ezartzeko gastuak.
- l) Defentsa legalak, eta beste erakunde fisiko edo juridiko batzuek patentearen eskabideari, erabilgarritasun ereduari edo diseinuari aurkeztutako alegazioen erantzunak edo aurrakotasunak sortutako gastuak.
- m) Jabetza industrialaren bulegoetako urteko ordainketak.



- n) Beste finantza-gastu batzuk, barnean harturik komisioak edo kapital sozialari egindako ekarpenak, diruz lagundu daitezkeen gastutzat jasotzen ez direnak.
 - o) Bizkaiko Foru Aldundiko beste sail batzuen beste laguntza-programa, plan edo jardun-arlo batzuetan diruz lagundu daitezkeen beste edozein gastu.
 - p) Merkataritza-eragiketetan egindako gastuak, aplikatu beharreko araudi sektorialean aurreikusitako ordainketa-epeak edo, halakorik ezean, 3/2004 Legean ezarritakoak bete gabe ordaindu badira.
5. Dena dela, dekretu honen 14. oinarrian ezarritakoa beteko da. Artikulu horretan, dirulaguntza jaso dezaketen gastuetarako irizpide orokorrak adierazten dira.
6. Diruz lagundu daitezkeen gastuaren balorazioa euroa ez den beste moneta batean egin ez gero, fakturaren datan egingo da eurorako trukea.
7. Diruz lagundu daitezkeen gastuek, 15.000 eurokoak edo handik gorakoak direnean (BEZik gabe), bakar-bakarrik jasoko dute dirulaguntza baldin eta eskabidearekin batera aurkeztutako dokumentazioan 5/2005 Foru Arauaren 29.3 artikuluan aipatu bezalako hiru hornitzailearen eskaintzak aurkezten badira. Dirulaguntzarako eskabidea aurkeztu aurretik egin bada gastua, dagokion kontratua edo faktura aurkeztuko da.
8. Dekretu honen 6. oinarrian ezarritako gauzatze-epearen barruan (2026ko urtarriaren 1etik 2027ko ekainaren 30era) sortutako eta fakturatutako gastuak lagundu ahalko dira diruz, betiere dekretu honen 11. oinarrian ezarritako justifikazio-epearen azken eguna baino lehen ordaintzen badira (2027ko uztailaren 31).
9. Foru Bide Sareko errepideetako bide-zoruen geruzetako materialetan probak egiteko proiektuetarako, diruz laguntzeko gastutzat joko dira honako hauek: jarraipen-entseguen gastuak, eta lehendik dagoen bide-zorua kentzeko eta ordezkatzeko lanak, dirulaguntzen deialdian ezarritako epe orokorra baino luzeagoa den bizitza, jarraipen eta kontrol-aldi baterako.
10. Diruz lagundu daitezkeen gastutzat joko dira proiektu edo jardueraren izaerari eta garapen normalari erantzuten dioten eta epearen barruan egin diren beharrezko gastuak, betiere indarreko arautegiaren arabera behar bezala justifikatu badira.

6. oinarria. — *Burutzeko epeak*

Dekretu honen babesean garatzen diren proiektuak 2026ko urtarriaren 1etik 2027ko ekainaren 30era arteko epean hasi eta amaitu beharko dira.

Salbuespen gisa erakunde onuradunak proiektua egiteko eta/edo justifikatzeko epea luzatzeko eskatu ahal izango du. Luzapena 2027ko ekainaren 1a baino lehen eskatu eta ebatzi beharko da.

Luzapena onesten bada, ebazpen espresu bat emango da, non proiektua egiteko eta/edo justifikatzeko epe berriak adieraziko diren. Epe horiek ez dira izango sei hilabeteetik gorakoak, proiektua egiteko eta justifikatzeko ezarritako epearen azken egunetik zenbatuta (epeak 6. eta 11.3 oinarrietan ezarrita daude, hurrenez hurren). Ebazpen espresurik ematen ez bada, administrazio-isiltasuna ezestekoa izango da.

Zerbitzuan dauden errepideetako bide-zoruen geruzetako materialetan probak egiteko proiektuetarako, eta horretarako bakarrik, beste epe bat egongo da, aurreko epeaz gainera, errepide-tartearen jarraipena eta baliozkotzea egiteko, bai eta bide-zorua kendu eta ordezkatzeko ere. Epe hori proiektuaren proposamenean zehaztutakoa izango da, betiere justifikatuta badago eta deialdiaren «Baldintza Tekniko Espezifikoak Egun Erabiltzen diren Errepideetako Bide-Zoru Esperimentaleko Geruzetan» izeneko eranskinean ezarritakoa betetzen badu. Nolanahi ere, jarraipena eta baliozkotzea egiteko, eta bide-zorua kentzeko eta ordezkatzeko epea ezin da izan hiru urte baino gehiago, 2026ko urtarriaren 1etik zenbatzen hasita.

7. oinarria. — *Eskabideak aurkezteko epea*

Eskabideak aurkezteko epea 2026ko maiatzaren 11ko 8:30etik 2026ko uztailaren 3ko 14:00etara izango da.

**8. oinarria. — Gehieneko eskabide-kopurua**

Erakunde bakoitzak eskabide bat (1) gehienez aurkeztu ahal izango du.

Enpresa berak kopuru hori gainditzen badu, instrukzio-organoak bakarrik ebaluatuko ditu lehenik jasotako eskabideak, eta gainerako eskabideak automatikoki ezetsiko ditu.

9. oinarria. — Emateko prozedura

Lehia-konkurrentziaren arabera esleituiko dira dirulaguntzak, hautaketa-prozedura bakarraren bidez, aurrekontu-ekitaldian dirulaguntzetarako deialdi bat baino gehiago onetsi badaiteke ere.

Foru-dekretu honen ondorioetarako, haxe da lehia-konkurrentzia: dirulaguntzak emateko prozesu honetan aurkeztutako eskabideak alderatu egiten dira, arlo eta atal bakoitzean ezarri diren balorazio-irizpideekin bat, haien artean hurrenkera bat ezartzeko. Horrela, deialdi honen barruan eskura daitekeen kreditua muga moduan ezarrita, baloraziorik handiena lortu duten eskabideek jasoko dute dirulaguntza.

10. oinarria. — Balorazio-irizpideak

1. Onuradun izateko baldintzak betetzen dituztela frogatzen duten enpresetatik, baloraziorik onena lortzen dutenek jasoko dituzte dirulaguntzak, aurrekontuan baliagarri dagoen mugaren barruan, honako irizpide hauen arabera eta adierazitako ponderazio edo haztapenak eginez. Irizpide bakoitzean adierazten dira ebaluaziorako aintzat hartuko diren alderdiak.

1. Berrikuntza- eta egokitzapen-maila, definitutako ildo estrategikoei dagokienez	1. Grado de innovación y encaje respecto a las líneas estratégicas definidas	45
1.1. Berrikuntza-maila edo aldea, gaur egunera arte foru-errepideen sarean ezarritako eskaintza teknologikoari dagokienez	1.1 Grado de innovación o diferenciación respecto a la oferta tecnológica implantada hasta el momento en la red viaria foral.	15
1.2. Berrikuntza-maila edo aldea, beste errepide-sare batzuetan (naziokoa eta/edo nazioartekoa) normalizatu-tako eskaintza teknologikoari dagokienez	1.2 Grado de innovación o diferenciación respecto a la oferta tecnológica normalizada en otras redes viales (nacional y/o internacional).	20
1.3. Proiektua berrikuntzako ildo nagusiekin bat dato- rren edo ildo horietan aplikagarria den (3.4. oinarria)	1.3 Alineación y aplicación potencial del proyecto en las líneas principales de innovación (base 3.4).	10
2. Proiektuaren eragina foru-errepideen sarean	2. Influencia del proyecto en la red viaria foral	20
2.1. Ezarri ondorengo eragin positiboa (konektagarri- tasuna, segurtasuna, digitalizazioa, ingurumena). Zen- bat eta efektu positibo gehiago sortu, orduan eta pun- tuazio handiagoa lortuko da.	2.1. Efecto positivo estimado tras su implantación (co- nectividad, seguridad, digitalización, medioambiente). Se obtendrá mayor puntuación cuanto mayor número de efectos positivos pueda generar.	10
2.2. Proiektua ezartzearen ondoriozko eraginaren eta interferentziaren maila bide-sarearen kudeaketarako eta jarduerarako. Interferentzia zenbat eta txikiagoa izan, orduan eta puntu gehiago lortuko dira.	2.2. Grado de afección e interferencia durante su im- plementación, con la gestión y operación de la red via- ria. Se obtendrá mayor puntuación cuanto menor sea la interferencia.	10
3. Proiektuaren definizioa, aurkeztutako proposame- naren kalitatea, hedapenaren plangintza eta jarraipena	3. Definición del proyecto, calidad de la propuesta presentada, planificación del despliegue y seguimiento	30
3.1. Proiektuaren heldutasuna: Errepide-sarean aplika- tu eta ezarri aurreko prestakizunen eta proben egoera.	3.1. Madurez del proyecto: estado de los preparativos y pruebas previas a la aplicación y despliegue en la red viaria	10
3.2. Proiektuaren helburuak, definizio-maila (beteki- zunak, eragina, baliabideak, epeak, aurrekontua, kali- tatea, entregagaiak).	3.2. Objetivos, grado de definición del proyecto (re- quisitos, alcance, recursos, plazos, presupuesto, cali- dad, entregables).	10
3.3. Sarean hedatzeko kudeaketa-, jarraipen- eta plangintza-prozesuak (Bideen Berrikuntzarako Zerbi- tzuarekin koordinatzeko sistema proiektua gauzatzeko, kontrolatzeko eta monitorizatzeko).	3.3. Procesos de gestión, seguimiento y planificación del despliegue en la red (sistema de coordinación con el Servicio de Innovación Viaria para la ejecución del proyecto, control y monitorización).	10



4. Enpresaren ingurumen-jasangarritasunaren, genero-berdintasunaren, euskararen sustapenaren eta gizarte-erantzukizun korporatiboaren arloko ziurtagiriak eta/edo planak.	4. Certificaciones y/o planes de la empresa en materia de sostenibilidad medioambiental, igualdad de género, promoción del euskera y responsabilidad social corporativa.	4
5. Gizonen eta emakumeen parte-hartze orekatua proiektuan	5. Participación equilibrada de hombres y mujeres en el proyecto	1

2. Irizpide horiek erabiliz, instrukzio-organoak ebaluazioa egingo du, eta gero, ondorioen txostena; bertan, azken balorazioa egongo da, eta, horretan oinarrituta, aurkeztutako proiektuen sailkapena egingo da.

3. Laguntza jasotzeko, proiektuak gutxienez 35 puntu lortu beharko ditu zenbaketa orokorrean, eta 5 puntu edo gehiago 2.2 irizpidean.

11. oinarria. — Aurkeztu beharreko agiriak

1. Enpresek, foru-dekretu honetako dirulaguntzaren eskaera egitean, artikuluko honetan jasotako agiriak bidali behar dizkiote Azpiegituretarako eta Lurralde Garapenerako Sailari:

2. Eskabidearekin batera aurkeztu beharreko agiriak:
 - a) Eskabide telematikoa, dekretu honen 20. oinarrian ezarritakoaren arabera.
 - b) Azpiegituretarako eta Lurralde Garapenerako Sailaren web-orrian eta bulegoetan eskuratu daitekeen ereduaren arabera eskabidea, ordezkaritza-ahalorde nahikoa duten pertsonen behar bezala bete eta sinatuta.
 - c) Eskuragarri dagoen Langileen Izendun Zerrenda RNT (lehen TC2 zena) berriena. Enpresari lotutako langile autonomoak badaude, pertsona bakoitzaren azken banku-ordainagiria ere (autonomoen buletina) erantsiko du, bai eta kotizazio-oinarrien azken txostena ere, eskuragarri dagoen azken hileko kotizazioa barne.
 - d) 15.000 euro edo gehiagoko (BEZik gabe) gastuen kasuan, esleitutako kopuruak justifikatzen dituzten 3 eskaintza, kontratu edo fakturen kopia.
 - e) Eskaera egiteko unean eginda dauden gastu guztietarako fakturak eta horien banku ordainketen frogagiriak. Ez da eskudirutan ordaintzerik onartuko. Dirulaguntza jaso dezaketen gastutzat hartzeko, aplikagarri den araudi sektorialean aurreikusitako ordainketa-epeak bete beharko dituzte ordainketek, edo, halakorik ezean, 3/2004 Legean ezarritakoak.
 - f) Indarrean dauden ziurtapenak eta/edo planak, genero ikuspegi, ingurumen, euskararen sustapen eta enpresa erantzukizun sozialekoak, bai eta erakunde publiko eskudunek emandako aintzatespenak eta diplomak ere.
 - g) Hartzekodunaren fitxa, Bizkaiko Foru Aldundian banku-helbideratzeari buruzko datuak ez badaude edo dauden datuak aldatu nahi badira. Dokumentazio osoa dagoela jotzen den data zehazterakoan ez da kontuan hartuko hartzekodunaren fitxa, espedientearen ebazpena emateko ondorioetarako.

Proiektuaren balorazioa egiteko, ondokoak hartuko dira kontuan: jasotako agiriak eta proiektuan parte hartuko duten enpresako pertsonekin egindako elkarrizketan bildutako informazioa.

3. Proiektua egiten ari den bitartean eta amaitutakoan aurkeztu beharreko agiriak, dirulaguntza egiaztatzeko eta espedientea ixteko. Justifikazioa aurkezteko azken eguna 2027ko uztailaren 31 izango da, luzapena ebazpen espresu baten bidez onartu denean izan ezik. Egiaztapen-kontuaren sistemaren bidez egin beharko da dirulaguntzaren justifikazioa, eta, horretarako, agiri hauek aurkeztu beharko dira:

- a) Justifikazioaren txostena, webean eta Azpiegituretarako eta Lurralde Garapenerako Saileko bulegoetan eskuragarri dagoen ereduaren arabera, proiektua garatzen duen entitatearen ordezkaritza-ahalorde nahikoa duten pertsonen behar bezala bete eta sinatuta.



Txosten horretan diruz lagundutako proiektuari egotzitako sarrera-gastuen egoera-orria aurkeztuko da, baita jardueraren gastuen zerrenda bat ere, sailkatuta. Gastu bakoitzean, hartzekoduna, zenbatekoa, jaulkipen-data eta ordainketa data ere identifikatu behar dira.

Txostenean, diruz lagundutako jarduera finantzatu duten beste dirulaguntza, laguntza, sarrera edo baliabide batzuen zerrenda banakatua ere aurkeztuko da, baita eskatzen den finantzaketa propioarena ere, hala badagokio.

Ereduak berdinak izango dira tarteko justifikazioetarako zein azken justifikazioetarako.

- b) Eskuragarri dagoen Langileen Izendun Zerrenda RNT (lehen TC2 zena) berriena. Enpresari lotutako langile autonomoak badaude, pertsona bakoitzaren azken banku-ordainagiria ere (autonomoen buletina) erantsiko du, bai eta kotizazio-oinarrien azken txostena ere, eskuragarri dagoen azken hileko kotizazioa barne.
- c) Legezko baldintzak betetzen dituzten gastuen fakturak. Beste herrialde batzuetako fakturekin batera itzulpena aurkeztu beharko da, ingelesez eginda daudenak izan ezik.
- d) Fakturen ordainketen frogagiriak. Ez da eskudiruzko ordainketarik onartuko. Dirulaguntza jaso dezaketen gastutzat hartzeko, aplikagarri den araudi sektorialean aurreikusitako ordainketa-epeak bete beharko dituzte ordainketek, edo, halakorik ezean, 3/2004 Legean ezarritakoak.
- e) Laguntzaren zabaltze egokia egiaztatzen duen dokumentazio grafikoa, 18. oinarrian adierazitakoaren arabera.
- f) Dirulaguntza emateko ebazpenean beren-beregi aurkezteko eskatzen dena.

Ez dira onartuko 1.000 eurotik beherako gastuak (BEZik gabe) justifikatzeko agiriak, 5 oinarriaren 4 apartatuaren a) letran jasotako salbuespena izan ezik.

4. Dirulaguntzen onuradun diren erakundeek, dirulaguntzaren azken justifikazioaz gainera, bitarteko justifikazio bakarra aurkeztu dezakete, 2027ko martxoaren 31 baino lehen, egun hori barne.

5. Dena dela, Azpiegituretarako eta Lurralde Garapenerako Sailak enpresa eskatzaileari beharrezkotzat jotzen dituen agiri edota informazio osagarriak eskatu ahal izateko. Era berean, Azpiegituretarako eta Lurralde Garapenerako Sailak erakunde eskatzaileari bisitak egiteko eskatu ahal dio, proiektua egin bitartean eta amaitu ondoren, jarraipen egokia egiteko.

6. Ekonomia Sustatzeko Sailak, Bizkaiko Elkarrengarritasun Nodoaren bidez eta/edo dagozkion elkarrengarritasun-zerbitzuen bidez, aurkeztu diren eskabideen administrazio-izapideak egiteko eskatutako pertsona eta erakunde interesdunen datuak egiaztatu eta kontsultatuko ditu, 39/2015 Legearen 13., 28. eta 53. artikuluetan aitortutako eskubideei kalterik egin gabe.

Laguntza-eskaerak berekin ekarriko du beste bitarteko batzuen bidez beste administrazio publiko batzuetatik informazio egokia lortzeko baimena, baldin eta arrazoi teknikoengatik ezin bada lortu elkarrengarritasun-zerbitzuen bidez.

7. Datuak zuzenean bildu edo kontsultatzeko aukera izango da aurkeztutako eskabidearekin zerikusia duten beste izapide eta prozedura intzidental batzuetara iristeko, eskaera egitean baimendutakoaren arabera.

8. Zerbitzuan dauden foru-errepideetako bide-zoruen geruzetako materialetan probak egiteko proiektuetarako bakarrik, dokumentu bat definitu beharko da, eta bertan hauek jasoko dira: seinaleztapen-proposamena; jarraipen- eta kontrol-plana (ezarpena, saiakuntzak, diagnostikoak eta espero diren emaitzak, zereginen kronograma...); kokapen-planoak eta jarraipen-saiakuntzen eta lehendik dagoen bide-zorua kendu eta birjartzeko lanetarako gastuen aurrekontua. Kontuan izan beharko du deialdiaren «Erabiltzen diren errepideetako zoru esperimentaleko geruzen baldintza tekniko espezifikoak» eranskinean ezarritakoa.



Dirulaguntza justifikatzeko, justifikazio-kontuaren sistema erabiliko da, eta, horretarako, dagokion dokumentazioa aurkeztu beharko du, oinarri honen 3. atalean definitutakoaren antzeko forma eta edukian. Egiaztagiria aurkezteko epea ez da 3 urtetik gorakoa izango, 2026ko urtarrilaren 1etik aurrera.

12. oinarria. — Erakunde laguntzaileak

Azpiegituretarako eta Lurralde Garapenerako Sailak foru-sozietate publikoen laguntza du bere helburuak lortzeko. BEAZ SAU da sozietate horietako bat. Sozietate horrek laguntza-programaren barruan esku hartuko du, erakunde laguntzaile gisa, Bizkaiko Foru Aldundiarekin formalizatutako lankidetzak-hitzarmenean ezarritakoaren arabera.

BEAZ SAUK Bizkaiko Foru Aldundiko Azpiegituretarako eta Lurralde Garapenerako Sailaren izenean eta haren kontura jardungo du, sail horrek ematen baititu, ondorio guztietarako, dekretu honetan zehazten diren laguntzak.

13. oinarria. — Dirulaguntza ordaintzea

BEAZ SAUren bidez emango dira proiektua gauzatzeko gastuei dagozkien dirulaguntzak. Ordainketak proiektuaren gauzatze-mailaren arabera egingo dira, justifikazio partzialak jaso ondoren, 2027ko martxoaren 31 baino lehenago, edo, bestela, proiektuaren justifikazio osoa egiten denean; justifikazio hori ezingo da egin 2027ko uztailaren 31 baino geroago, salbu eta ebazpen espresu bidez luzapena eman bada. Gehienez ere bi (2) ordainketa egingo dira.

Dirulaguntzaren azken justifikazioari dagokionez, emandako zenbatekoak BEAZ SAU sozietateari aurretiaz ordainduko zaizkio, erakunde onuradunei bermerik eskatu gabe.

Erakunde onuradunei egiten zaizkien ordainketak diruz lagun daitezkeen gastutzat jotzen diren justifikatutako gastuen proportzionalak izango dira, urteko bakoitzean ematen diren kopuruak gorabehera. Kopuru hori aldi bakoitzean eman dena baino txikiagoa izan daiteke, eta, hala badagokio, egindako gastuaren proportzionala den dirulaguntzaren azken doikuntza egin behar da.

BEAZ SAU erakunde laguntzaileari ordainketa egiteko, eta erakunde laguntzaile horrek erakunde onuradunari ordainketa egiteko, erakundeak egunean eduki beharko ditu zerga-betebeharrak eta Gizarte Segurantzarekikoak. Hala ez bada, dirulaguntza itzultzeko eskatuko da, edo dirulaguntza kobratzeko eskubidea galdutzat joko da, 5/2005 Foru Arauaren 38. artikuluan ezarritako prozedura aplikatuta.

II. TITULUA

DIRULAGUNTZETARAKO XEDAPEN KOMUNAK

14. oinarria. — Dirulaguntza jaso dezaketen gastuetarako irizpide orokorrak

1. Honako hauek dira dirulaguntza jaso dezaketen gastuak: indarrean dagoen araudiaren arabera behar bezala justifikatu direnak, betiere epearen barruan egin badira, beharrezkoak badira eta proiektuaren edo jardueraren izaerari eta garapen normalari erantzuten badiete.

2. Dirulaguntza jaso dezaketen gastuen kostuak ez dira onartuko baldin eta merkatuan duten balioa baino handiagoak badira.

3. Edonola ere, honako gastu hauek ez dute dirulaguntzarik jasoko:

- a) Dirulaguntzaren xedea den jarduerarekin inolako inola ere identifikatu ezin diren gastuak edo/eta deialdi bakoitzerako epearen barruan egiten ez direnak.
- b) Eskatzailearen eta hornitzailearen artean lotura dagoela erakusten duten gastuak. Ondorio horietarako, joko da lotura dagoela Sozietateen Gaineko Zergari buruzko abenduaren 5eko 11/2013 Foru Arauaren 42.3 artikulua eta Merkataritzako Kodearen 42-49 artikuluek ezarritako kasuetan.

4. 5/2005 Foru Arauaren 29.4 artikuluan ezarritakoarekin bat etorriz, ondasun inbentariagarriak erosteko, eraikitzeko, zaharberritzeko edo hobetzeko kasuetan, pertsona onuradunak ondasunak dirulaguntzaren xede zehatza betetzeko bideratzeko epea hamar (10)



urtekoa izango da, erregistro publikoan inskribatu daitezkeen ondasunen kasuan, eta bost (5) urtekoa gainerako ondasunen kasuan. Erregistro publikoan inskribatu daitezkeen ondasunen kasuan, egoera hori aipatu egin beharko da eskrituran, bai eta emandako dirulaguntzaren zenbatekoa ere; alderdi horiek dagokion erregistro publikoan erregistratu behar dira.

15. oinarria. — Gastuen egokitzapena

Azpiegituretarako eta Lurralde Garapenerako Sailak uste badu gastuen aurrekontua antzeko gastuen batez besteko kostuarekin alderatu eta gehiegizkoa dela, dirulaguntzaren oinarria murriztu ahal izango du, gastuentzako zenbateko egoki eta proportzionalera arte.

16. oinarria. — Dirulaguntzak metatzea

Foru-dekretu honetan jasotako dirulaguntzek honako erregelamendu honetan xedatutakoa bete behar dute: Batzordearen 2023ko abenduaren 13ko 2023/2831 (EB) Erregelamendua, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoa.

Ematen diren dirulaguntzak de minimis laguntzat hartuko dira. Emandakotzat joko dira onuradunari dirulaguntza jasotzeko eskubide legala aitortzen zaion unean.

Pertsona onuradun batek jaso dezakeen minimis laguntzen zenbateko osoa ezin izango da 300.000,00 eurotik gorakoa izan, hasitako ekitaldi ekonomikoa eta aurreko biak hartzen dituen aldi osoan.

Ez bada betetzen Batzordearen 2023/2831 (EB) Erregelamendua, 2013ko abenduaren 18koa, Europar Batasunaren Funtzionamenduari buruzko Tratatuaren 107. eta 108. artikulua de minimis laguntzei aplikatzeari buruzkoa, horrek berekin ekar liezazkioke arau-hausleari erantzukizun penala, zibila eta administratiboa.

Foru-dekretu honen arabera emandako laguntzak beste minimis laguntza batzuekin metatu ahal izango dira, 2023ko abenduaren 13ko Batzordearen 2023/2831 (EB) Erregelamenduan ezarritako gehieneko mugaraino. Erregelamendu hori Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoa da. Emandako laguntzak ez dira metatuko Estatuaren ezein laguntzarekin, diruz lagun daitezkeen gastu bereiei dagokienez, baldin eta metatze horrek gainditzen badu kategorien arabera salbuespen-erregelamendu batek edo Batzordeak hartutako erabaki batek kasu bakoitzaren inguruabar zehatzetan ezarritako laguntzaren intentsitatea edo zenbateko handiena.

17. oinarria. — Dirulaguntzen bateragarritasuna

Foru-dekretu honen babesean emandako dirulaguntzak bateragarriak izango dira helburu bererako Estatuko, Europar Batasuneko edo nazioarteko edozein administrazio edo erakunde publikok zein pribatuk ematen dituzten dirulaguntza, diru-sarrera edo baliabideekin, baldin eta gastu hautagarri beretarako gehieneko laguntza-intentsitatea errespetatzen bada.

Hala ere, ez dira bateragarriak izango Bizkaiko Foru Aldundiak helburu bererako emandako beste dirulaguntza, laguntza, diru-sarrera edo baliabide batzuekin.

Dirulaguntzen zenbatekoak, bera bakarrik edo beste dirulaguntza nahiz laguntzekin batera, ezin izango du, inola ere, onuradunak garatu beharreko jardueraren kostua gainditu.

Aurreko muga horietakoren bat gaindituz gero, emandako edo eman beharreko dirulaguntzari soberakinari dagokion kopurua kenduko zaio.

Onuradunek Azpiegituretarako eta Lurralde Garapenerako Sailari jakinarazi beharko diote, jakin bezain laster eta, nolanahi ere, funtsei emandako aplikazioa justifikatu aurretik, diruz lagundutako jarduerak finantzatzeko beste dirulaguntza, laguntza, diru-sarrera edo baliabide batzuk eskuratu dituztela, eta, hala badagokio, egin duten itzulketa-gutunaren kopia aurkeztu beharko dute. Hori guztia 5/2005 Foru Arauaren 18.3 eta 4. artikuluetan aurreikusitako ondorioetarako, dirulaguntza emateko ebazpena aldatu ahal izateko eta, hala badagokio, dagokion itzulketa-prozedura hasteko.



Azpiegituretarako eta Lurralde Garapenerako Saileko organo eskuduna gainerako alderdi finantzatzaileekin harremanetan jarri ahal izango da, baterako finantzaketarako akordio batera iristeko.

18. oinarria. — Laguntzaren publizitatea

Dekretu honen itzalpean emandako laguntzen erakunde onuradunek, jasotako laguntzari publizitatea eman beharko diote, 5/2005 Foru Aginduko 17.3 artikuluan xedatutakoaren arabera.

Proiektuaren finantzaketaren izaera publikoari buruzko publizitate egokia —euskarri informatikoetan zein bestelakoetan— egiteko, esaldi hau sartu beharko da: «Proiektu hau Bizkaiko Foru Aldundiak finantzatu du, 2026ko Bide Azpiegituretan Berrikuntza Planaren barruan. Este proyecto ha sido financiado por la Diputación Foral de Bizkaia dentro de la Promoción de la Innovación en Infraestructuras Viarias 2026». Beren-beregi debekatuta dago beste edozein esaldi edo irudi erabiltzea Bizkaiko Foru Aldundiari erreferentzia egiteko.

19. oinarria. — Emandako dirulaguntzak argitaratzea

Dirulaguntzak ematen diren urte naturala amaitu ondorengo lehen hiruhilekoa bukatu aurretik, ebazpenaren laburpen bat argitaratuko da Bizkaiko Aldizkari Ofizialean.

III. TITULUA**DIRULAGUNTZAK ESLEITZEKO PROZEDURA****20. oinarria. — Eskabideak aurkeztea**

Eskabidea, behar bezala beteta, Internet bidez aurkeztu beharko da, Sailaren bulego birtualean. Bulego birtuala Azpiegituretarako eta Lurralde Garapenerako Saila (bizkaia.eus).

Horrela bada, eskabideak bide telematikoeetatik aurkeztu behar direnez, erakunde interesdunek aldeztu aurretik sinadura elektronikoa izan beharko dute (Izenpe, NAN elektronikoa, FEA...), edo B@kQ ziurtagiri elektronikoa. Alta prozeduraren gaineko informazioa eskuragarri dago Azpiegituretarako eta Lurralde Garapenerako Sailaren web orrian.

Eskabidea aurkezteko, erakundeak alta emanda egon behar du erakunde eta pertsona fisikoen erregistroan, Bizkaiko ekonomia- eta gizarte-sarearen garapenari eta haren administrazio-prozedurei lotutako ezagutza kudeatzeko. (25/2024 Foru Dekretua, martxoaren 7koa, Bizkaiko Aldizkari Ofiziala, 54. zk., 2024ko martxoaren 15ekoa). Egoera horretan ez badago, erakundeak izena emateko eskabidea bete beharko du dirulaguntzaren eskaera izapidetu aurretik.

Nolanahi ere, instrukzio-organismoak elkarrekin zerikusia duten eskabideak taldekatu edo banakatu ditzake, eskabideok ondo aztertu eta ebaluatzeko eta dirulaguntzaren xedeko jarduerara ondoen egokitzen den egitate lagungarria zehazteko neurri egokia dela irizten badio.

Eskatzaileak, dirulaguntzarako eskabidea aurkeztean, baimena ematen dio instrukzio-organismoari, onuraduna izateko baldintzen inguruabarren egiaztapena zuzenean lor dezan; hori, Dirulaguntzen Erregelamenduaren 17.1. artikuluan eta Datu Pertsonalen Babesari eta Eskubide Digitalen Bermeari buruzko abenduaren 5eko 3/2018 Lege Organikoan (aurrerantzean 3/2018 Lege Organikoa) xedatutakoarekin bat etorriz, telematikako ziurtagiri egoki bidez egin daiteke.

Eskabideekin batera, 11. oinarrian ezarritako agiriak aurkeztu beharko dira; arestian aipatutako bulego birtualean agiriak eransteko dagoen sistema erabiliko da.

21. oinarria. — Laguntzak emateko prozedura antolatu, aztertu eta ebatziko duten organo eskudunak

Honako hauek osatuko dute instrukzio-organismoa: presidentea, hau da, Berrikuntzarako eta Bideen Kudeaketarako Zuzendaritza Nagusia, eta Bideen Berrikuntzarako Zerbitzuko bi teknikari; pertsona horiek, adjudikaziorako irizpideak kontuan hartuta,



Azpiegituretarako eta Lurralde Garapenerako Saileko foru diputatuari aurkeztuko diote ebazpen-proposamena.

Emakida-prozedura antolatzeke, izapidetzeko eta ebazteko organo eskudunen osakeran, kontuan hartuko da bi sexuen ordezkaritza orekatua behar dela, eta horrek esan nahi du gutxienez biak ordezkaturik daudela, 1/2023 Legegintzako Dekretuaren 3.10 artikuluan eta 4/2018 Foru Arauaren 44. artikuluan aurreikusitakoaren arabera. Batzorde hori osatzen duten pertsonak betetzen duten karguagatik badira kide, aipatutako araudian kasu horietarako jasotako salbuespena aplikatuko da.

22. oinarria. — *Espedientearen instrukzioa*

Eskabideen espedienteak honelaxe izapidetuko dira:

Instrukzioaz arduratzen den organoak ezarri diren eta pertsona edo erakunde onuradun gertatzeko ezinbestekoak diren baldintzak betetzen direla egiaztatuko du.

Eskabideak behar bezala beterik ez badaude edo deialdietan aipaturiko agiriak erantsita ez badituzte, instrukzio-organismoak errekerimendua egingo dio erakunde eskatzaileari hamar (10) egun balioduneko epean (jakinarazpena egin eta biharamunetik zenbatzen hasita) akatsa konpondu edo nahitaez aurkeztu beharreko dokumentuak aurkez ditzan, eta ohartaraziko dio ezen, horrela egiten ez badu, eskaeran atzera egindakotzat joko dela beren-beregi emaniko ebazpen baten bidez, hala ezartzen baita 39/2015 Legearen 21. eta 68. artikuluetan.

Nolanahi ere, instrukzio-organismoak aurkeztu diren eskabideak behar bezala ulertu eta ebaluatzeke beharrezkotzat jotzen dituen agiri edota argibide guztiak eskatu ahal izango dizkie eskabidea aurkeztu duten erakunde eskatzaileei.

23. oinarria. — *Eskabideen ebaluazioa*

Instrukzio-organismoak ebaluatuko ditu eskabideak. Horretarako, entzunaldien egutegi bat ezarri ahal izango du, eskatzaileek, hala nahi badute, aukera izan dezaten programara aurkeztu dituzten proiektuak aurkezteko.

Eskabideen ebaluazioa amaituta, instrukzio-organismoak ebazpen-proposamena prestatuko du; hala ere, horrek ez die proposamen horretan onuradun legez agertzen diren erakundeei inolako eskubiderik emango.

24. oinarria. — *Ebazpen-proposamena*

Ebaluazioa egindakoa instrukzio-organismoak egiaztatuko du eskaera egin duen pertsonak edo erakundeak Gizarte Segurantzarekiko betebeharrak egunean dituela, Gizarte Segurantzaren Diruzaintza Nagusiari horretarako eskaera eginda. Halaber, pertsona edo entitate eskatzailearen zerga-egoeraren egiaztagiria eskatuko dio Ogasun eta Finantza Sailari.

Behin egiaztatuta, instrukzio-organismoak ebazpen-proposamena igorriko dio Azpiegituretarako eta Lurralde Garapenerako foru-diputatuari.

25. oinarria. — *Aurrekontuaren muga*

Dirulaguntza jasotzeko aurkezten diren eskabideetatik, laguntzetarako ezarri den partidan izendatutako aurrekontuak uzten dituen beste eskabide baino ez dira hautatuko.

26. oinarria. — *Ebazteko epea*

Foru-dekretu honen babesean aurkezten diren eskabideak ebazteko gehieneko epea sei (6) hilabete izango da, eskabideak aurkezteko epea amaitu eta biharamunetik hasita.

Nahiz eta organo eskudunak eskabide guztiei buruzko ebazpen espresua eman behar duen, baldin eta ebazteko eta jakinarazteko epea amaitu bada eta aipatutako organoak ebazpena eman ez badu, ulertuko da eskabidea ezetsita dagoela administrazio-isiltasunaren ondorioz, hala xedatzen baita 39/2015 Legearen 25. artikuluan.

**27. oinarria. — Ebazpena**

Eman eta ukatu diren dirulaguntzen aipamenaz gain, norgehiagoka sistema erabiliz ebatzi diren laguntzei buruzko ebazpenak eskabideen zerrenda ordenatu bat jasoko du, honako eskabide hauek jasoko dituen: dagokion deialdirako zegoen kredituaren gehieneko kopurua gainditu delako onartu ez direnak, nahiz eta pertsona edo erakunde onuradun izateko foru-dekretu honetan ezarritako baldintza administratiboak eta teknikoak betetzen dituzten. Horrekin batera, aurrez ikusitako balorazio-irizpideen arabera eskabide horietako bakoitzak jaso duten puntuazioa ere adieraziko da.

Foru-dekretu honetan edo deialdi bakoitzeko araudian xedatutakoa kasu bakoitzera egokitu eta aplikatzeko asmoz, komenigarritzat jotzen denean, dirulaguntza emateko ebazpenean baldintza bereziak ezarri ahalko dira, proiektuen izaera berezia delako edo gertatzen diren beste inguruabar batzuk direla eta. Halaber, onarturiko dirulaguntza emateko ebazpenean adieraziko da de minimis erregelamenduari atxikitako laguntza dela, eta esplizituki adieraziko da dirulaguntza gordin baliokidearen zenbatekoa.

Ebazpena Bizkaiko Aldizkari Ofizialean argitaratuko da, 5/2005 Foru Arauaren 17. artikuluan eta 39/2015 Legearen 45. artikuluan ezartzen denarekin bat etorruta.

Ebazpena interesdunei jakinaraziko zaie, 39/2015 Legearen 40. artikuluan eta hurrengoetan ezarritakoarekin bat etorruta.

Ebazpenaren jakinarazpena jaso ondoren, onuradun gertatu den pertsonak edo erakundeak hamar (10) balioduneko epea du —jakinarazpena jaso eta hurrengo egunetik zenbatzen hasita— dirulaguntza onartzeko. Epe hori amaitu eta interesdunek ez badute ezer adierazi, ebazpena onartu dela ulertuko da.

Dirulaguntza ematen duen organoak dirulaguntza emateari buruzko ebazpena alda dezake, bere kabuz, interesdunari entzunaldia eman ondoren eta funtsak erabili aurretik, dirulaguntza emateko kontuan hartu diren baldintzak aldatzearen ondorioz lortu nahi zen interes publikoa lortzea oztopatu edo eragozten denean, eta pertsona edo erakunde onuradunari kalte ekonomikorik ekartzen ez dionean.

28. oinarria. — Errekurtsoak

Ebazpenak administrazio-bidea agortzen du. Haren aurka berraztertze-errekurtsoa jarri ahal izango zaio Azpiegiturarako eta Lurralde Garapenerako Saileko titularrari, ebazpena jakinarazi eta hurrengo egunetik hilabete (1) igaro baino lehen, 39/2015 Legean ezarritakoarekin bat etorriz.

Halaber, Administrazioarekiko auzi-errekurtsoa jar daiteke, Administrazioarekiko Auzietarako Epaitegian, bi (2) hilabeteko epean, jakinarazpena jaso eta hurrengo egunetik aurrera, Administrazioarekiko Auzien Jurisdikzioa arautzen duen uztailaren 13ko 29/1998 Legean ezarritako eran. Ezin dira bi errekurtsu horiek aldi berean jarri.

29. oinarria. — Dirulaguntzari uko egitea

Onuradun gertatu diren pertsona edo erakundeetarikoa batek dirulaguntzari uko egingo balio, dirulaguntza eskaintzen duen organoak zerrendan, puntuazioaren hurrenkerari jarraikiz, hurrengo dauden pertsona edo erakunde eskatzaileei emango lieke, baldin eta eskabide horiei aurre egiteko kreditu nahikorik balego.

Dirulaguntza ematen duen organoak aukera horren berri emango die interesdunei, hamar eguneko epean dirulaguntzaren proposamena onar dezaten. Epe hori, gainera, ezin izango da luzatu. Dirulaguntza eskatu duen pertsona edo erakundeek proposamena onartzen dutenean, administrazio-organoak laguntza emateko egintza ezarri eta jakinarazpenak egin dituzte.

Uko egitea aurkezteko gehieneko epea hamar (10) egun baliodunekoa izango da, erakunde interesdunari dirulaguntzarek proposamena jakinarazten zaionetik hasita. Epe hori igaro ondoren, uko egitea dirulaguntza emateko arrazoi izan diren baldintzak ez-betetzea dela joko da.

**30. oinarria. — Jakinarazpen elektronikoa**

Erakunde interesdunei egindako jakinarazpenak bitarteko elektronikoen bidez egingo dira, 39/2015 Legean aurreikusitakoaren arabera.

Bitarteko elektronikoen bidez egiten diren jakinarazpenak Bizkaiko Foru Aldundiaren egoitza elektronikoen bidez <https://www.ebizkaia.eus/eu/hasiera> egingo dira, Administrazio Elektronikoa buruzko Bizkaiko Foru Aldundiaren maiatzaren 5eko 62/2015 Foru Dekretuaren arabera, eta Herri Administrazioako eta Erakunde Harremanetarako foru-diputatuaren ekainaren 6ko 4841/2016 Foru Aginduaren arabera (foru-agindu hori jakinarazpenak eta komunikazioak Bizkaiko Foru Aldundiaren egoitza elektronikoa agertzeko sistemaren bidez egiteari buruzkoa da).

Egindako jakinarazpen elektronikoa eskuragarri jartzeari buruzko abisuak eskabidean aurkeztutako helbide elektronikora bidaliko dira. Horretarako, eskaera bete ondoren, ofizioz eskumena duen organo edo unitateak alta emango dio helbide elektronikoa horri Bizkaiko Foru Aldundiaren prozeduren katalogoko dirulaguntzen prozedura honetarako aipatutako egoitza elektronikoen abisu-sisteman. Abisu horiek ez dute, inola ere, jakinarazpen-ondorioz izango, eta abisurik ez egoteak ez du eragotziko jakinarazpena guztiz baliozkotzat jotzea.

Jakinarazpenak egindakotzat joko dira interesdunak edukia ikustean, eta jakinarazpena eskura jartzen denetik hamar egun natural igaro ondoren edukia ikusi ez badu, jakinarazpenari uko egin diola ulertuko da.

IV. TITULUA**DIRULAGUNTZEN KUDEAKETARI ETA EGIAZTAPENARI
BURUZKO XEDAPEN OROKORRAK****31. oinarria. — Azpikontratazioa**

Erakunde onuradun batek azpikontratazioa egin duela ulertuko da dirulaguntzaren xedea den jarduera zati batez edo osorik egitea beste norbaitekin kontratatzen duenean. Kontzeptu honetatik kanpo geratuko da pertsona edo erakunde onuradunak berak bakarrik diruz lagundutako jarduera egiteko dauzkan gastuak kontratatzea. Ondorioz, makinak, ekipamendua eta material suntsikorra erostea, diruz lagundutako jardueraren barruan lan zehatzak egiteko kanpoko zerbitzuak kontratatzea, eta diruz laguntzen den jardueraren beste gastu osagarri batzuk egitea ez da azpikontrataziotzat joko.

Diruz laguntzen diren zerbitzu edo proiektuetako jarduerak azpikontratatu ahal izango dira, %50ean, gehienez, baldin eta 5/2005 Foru Arauaren 27. artikuluan eta Dirulaguntzen Erregelamenduko 53. artikuluan ezarritako baldintzak eta debekuak errespetatzen badira.

Berdintasunerako Legearen testu bateginean eta 4/2018 Foru Arauan xedatutakoaren arabera, azpikontratutako erakundeek lege horretan ezarritako printzipio orokorrak errespetatu beharko dituzte, beren lanaren barruko estatistikak genero-ikuspegiaren arabera egokitu beharko dituzte, ez dute hizkera sexistarik erabiliko eta emakumeen eta gizonen ordezkaritza orekatua bermatu beharko dute eratzen diren batzordeetan eta lan taldeetan.

Dirulaguntzaren erakunde onuradunak dirulaguntzaren xedeko jardueraren zati bat beste batzuekin hitzartzen duenean, eta jarduera horrek dirulaguntzaren zenbatekoaren %20 gainditzen duenean, eta, horrez gainera, azpikontratazioaren prezioa 60.000 eurotik gorakoa denean, erakunde onuradunak azpikontratazio hori egiteko baimena eskatu beharko dio Bizkaiko Foru Aldundiari. Horretarako, azpikontratazioaren baldintza nagusiak jakinarazi beharko dizkio, bai eta jardueraren burutzapena zein erakunderekin hitzartuko duen ere.

Azpiegituretarako eta Lurralde Garapenerako foru-diputatuak ebatziko du eskabidea, hamabost (15) eguneko epean. Epe horretan ebazpen espresurik eman ezean ulertuko da eskabidea ezetsi egin dela.

**32. oinarria. — Justifikatzeko modua**

Ezarritako agiriak aurkeztuz justifikatu behar dira dirulaguntzak.

Justifikazioa Internet bidez aurkeztu behar da, atal guztiak behar bezala beteta. Horretarako, inprimaki bat dago eskuragarri Azpiegiturarako eta Lurralde Garapenerako Sailaren web-orrian: Bulego birtuala Azpiegiturarako eta Lurralde Garapena (bizkaia.eus).

Justifikazioa egiteko epea igarota, ez bada justifikaziorik aurkeztu instrukzio-organismoaren aurrean, organoak errekerimendua egingo dio erakunde onuradunari hamabost (15) eguneko epe luzaezinean aurkez dezan. Justifikazioa ez bada ezarritako epean aurkeztu, dirulaguntza itzultzeko eskatuko da, eta 5/2005 Foru Arauaren 37. artikuluan eta hurrengoetan ezarritako gainerako erantzukizunak ere eskatuko dira.

33. oinarria. — Baldintzak aldatzea

Pertsona edo erakunde onuradunak jakinarazi beharko du dirulaguntza ematean aintzat hartu ziren edozein inguruabar objektibo zein subjektiborekin lotuta gertatu diren aldaketa guztiak.

Dirulaguntzaren pertsona edo erakunde onuradunak, berak aurkeztutako justifikazioan, adierazten badu aldaketa batzuk egon direla dirulaguntza emateko kontuan hartu ziren baldintzetan, dirulaguntza emateko ebazpena aldatzea ekar lezaketenak, eta aldaketa horiek guztiak onartzeko ez bada bete aurretik bete beharreko baimen administratiboa lortzeko izapidea, orduan, dirulaguntza eman duen organoak onartu egingo du aurkeztutako justifikazio hori, betiere onartze horrek ez badie kalterik eragiten hirugarrenen eskubideei; hala ere, horrek ez du salbuetsiko erakunde onuraduna 5/2005 Foru Arauaren arabera izan ditzakeen zehapenetatik.

V. TITULUA**DIRULAGUNTZAK ITZULTZEA****34. oinarria. — Dirulaguntza erakunde onuradunak berak borondatez itzultzea**

Borondatezko itzulketa da onuradunak Administrazioaren inolako aldeztasunirik gabe egiten duena.

Borondatezko itzulketa egiten denean, Administrazioak dagozkion berandutze-interesak kalkulatu dituzte, 5/2005 Foru Arauaren 34. artikuluan ezarritakoaren arabera eta onuradunak itzulketa benetan egin duen unera arte.

Onuradunak berak eskatuta dirulaguntza itzultzeko, Bizkaiko Foru Aldundiaren eredu ofizialaren arabera ordainketa-gutuna erabili behar da; gutun hori Azpiegiturarako eta Lurralde Garapenerako Sailaren bulegoetan (Ibañez de Bilbao, 20, Bilbo) egingo da.

35. oinarria. — Ez-betetzeak

Dekretu honetan (barnean harturik «Baldintza orokorrak» eranskina eta «Baldintza tekniko espezifikoak egun erabiltzen diren errepideetako bide-zoru esperimentaleko geruzetan» eranskina) eta gainerako arau aplikagarrietan ezarritako betebeharrak edo ebazpenean ezar daitezkeen baldintzak ez betetzeak, jasotako diru-kopuruak eta, bidezko denean, haiei dagozkien legezko interesak itzuli beharra ekarriko du, maiatzaren 31ko 5/2005 Foru Arauaren II. eta IV. tituluetan xedaturikoaren arabera, eta bidezkoak diren legezko ekintzen eta zigorraren kalterik gabe. Aipaturiko diru-kopuru horiek sarrera publikotzat joko dira ondore guztietarako.

36. oinarria. — Ez-betetzeak mailakatzeko irizpideak

gehiegizko finantzaketarik gertatuz gero beste laguntza batzuk ere jaso direlako (5/2005 Foru Arauaren 18.3 artikuluan jasotzen da aukera hori), gauditutako zenbatekoa itzuli beharko da, eta zenbateko horri dagokion berandutze-interesa aplikatuko zaio. Berdin-berdin jokatuko da de minimis baldintzak betetzen ez badira baimendutako laguntzak gauditzeagatik.



Emandako dirulaguntzaren zenbatekoa eskatzaileak aurkeztutako aurrekontuaren gaineko ehuneko bat aplikatuta lortzen denez, behin betiko kostu osoa hasierako aurrekontua baino txikiagoa bada, honako hau itzuli behar da: hasierako aurrekontuaren gaineko ehuneko hori aplikatuta lortutako kopuruari behin betiko kostu osoa kentzearen ondoriozko finantzaketa publikoan sortutako soberakina.

Baldintzetako bat edo batzuk ez betetzeak edo epearen barruan jardueraren zati bat bakarrik egiteak (betiere, zalantza barik egiaztatzen bada onuradunak konpromisoak betetzeko asmoa duela) dirulaguntzaren zati bat bakarrik ordaintzea ekarriko du edo, hala badagokio, dirulaguntzaren zati bat itzuli behar izatea. Itzulketa hori kalkulatzeko, jarduera osotik hartutako zatiaren proportzio bera erabiliko da.

Foru-dekretu honen 35. oinarriko kasuetan, pertsona edo erakunde onuradunak, hala badagokio, jaso dituen baina justifikatu ez dituen kopuruak itzuli beharko ditu, bai eta diruaren legezko interesa ere.

Administrazioak eginiko egiaztapen edo finantza-kontrol baten ondorioz ikusten bada eginiko gastu guztiak edo batzuk ordaindu gabe daudela eta hartzekodunek eskatzeko eskubidea dutela, itzulketa eskatuko da, proportzionaltasun-printzipioa aplikatuta. Kasu horretan, dirulaguntza jaso dezaketenez egotzitako gastu guztietatik ordaindu gabeko gastuek osatzen duten proportzioaren arabera izango da dirulaguntzaren itzulketa.

VI. TITULUA

DIRULAGUNTZEN ARLOKO ARAU-HAUSTE ADMINISTRATIBOAK

37. oinarria.— *Zehapen-prozedura*

5/2005 Foru Arauaren IV. tituluan xedaturikoa aplikatuko da.

Aplikatu beharrekoa izango da 39/2015 Legean ezarritakoa, bai eta Euskal Autonomia Erkidegoko Herri Administrazioen zigortzeko ahalmenari buruzko Eusko Legebiltzarren otsailaren 20ko 2/1998 Legean aurreko manuari kontra egin gabe xedatzen dena.

38. oinarria.— *Deslokalizazioa*

Erakunde onuradunek konpromisoa hartzen dute enpresen deslokalizaziorik ez egiteko. Enpresen deslokalizaziotzat jotzen da Enpresak deslokalizatzen direnean Foru Sektore Publikoak laguntzak berreskuratzeari buruzko 2007ko martxoaren 27ko 7/2007 Foru Arauak ezarritakoa. Foru-dekretu honek arautzen dituen dirulaguntzei bete-betean aplikatuko zaie foru-arau horretan xedatutakoa.

Bizkaiko Foru Aldundiaren erabaki baten bidez adieraziko da konpromiso hori noiz ez den bete, eta, horren ondorioz, itzuli egin beharko da dirulaguntza, goraxeago aipatu den foru arauan ezarritako prozedura ezarriko baita.

XEDAPEN GEHIGARRIA

Xedapen Gehigarri Bakarra.— *Datu pertsonalen babesa*

1. Hala bete dadin 13. artikuluan ezartzen duena 2016/679 (EB) Erregelamenduak, datu pertsonalen tratamenduari dagokionez pertsona fisikoen babesari eta datu horien zirkulazio askeari buruzkoak, eta 11. artikuluan ezartzen duena abenduaren 5eko 3/2018 Lege Organikoak, datu pertsonalak babestu eta eskubide digitalak bermatzekoak, eta eskaerak eta horietatik eratorritako jarduerak kudeatzearen ondorioz, honela tratatuko dira:

- Tratamendu-jarduera: Bide-berrikuntzako ekintzen kudeaketa eta kontrola.
- Tratamenduaren arduraduna eta kontaktua: Bide Berrikuntza eta Kudeaketako Zuzendaritza Nagusia.
- Tratamenduaren helburua: Bide Berrikuntzako ekintzak kudeatzea eta kontrolatzea, foru bide-sarea hobetzeko eta modernizatzeko, teknologia aurreratu berriak aplikatzeko eta probatzeko, modu jasangarrian eta ingurunean integratuta.



- Interesdunaren eskubideak: Datuetan sartzeko, datuak zuzentzeko, datuen aurka egiteko, datuak ezabatzeke, tratamendua mugatzeko eta banakako erabaki automatizatuaren xede ez izateko eskubideak baliatu ahal izango ditu tratamenduaren arduradunaren aurrean, Informazioaren Segurtasunerako eta Datuen Babeserako Atalari zuzendutako idazki baten bidez. Idazki hori helbide honetan aurkez daiteke:
- BFaren egoitza elektronikoa:
<https://www.ebizkaia.eus>
- Herritarrentzako BFaren aurrez aurreko arreta-bulegoak:
<https://web.bizkaia.eus/eu/erregistro-puntua>
- 39/2015 Legean ezarritako gainerako lekuak: LOPD.sustapena@bizkaia.eus
- Datuen babesari buruzko informazio gehiago:
<https://www.bizkaia.eus/eu/datuen-babesa>.

1. Edozein bide erabiliz eskaerak egin, eta interesdunek administrazio publikoen eskuetan dauden datu pertsonalak ematen badituzte, eskaeraren hartzailea den organoak beharrezko egiaztatze-lanak egiteko aukera izango du, dituen eskumenen barruan, datuak benetakoak direla egiaztatzeko.

AZKEN XEDAPENAK

Azken Xedapenetako Lehenengoa. — Araubide juridikoa

Dekretu honetan aipatutako dirulaguntzei dagokienez, honako hauek izango dituzte aginduzko: foru-dekretu hau, ebazpena emateko foru-aginduetan xedatutako baldintzak, 5/2005 Foru Arauaren xedapenak, Dirulaguntzen Erregelamendua, 87/2021 Foru Dekretua, eta Estatuko edo Europako Erkidegoko gainerako arau aplikagarriak.

Halaber, emango diren dirulaguntzak minimis laguntzak izango direnez, honako erregelamendu honetan xedatutakoa bete behar dute: Batzordearen 2023ko abenduaren 13ko 2023/2831 (EB) Erregelamendua, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzkoa.

Horiez gainera, aplikatzekoa izango da 39/2015 Legea, urriaren 1ekoa, Administrazio Publikoen Administrazio Prozedura Erkidearena.

Bizkaiko Gardentasunari buruzko otsailaren 17ko 1/2016 Foru Arauaren 2. artikulua-aren arabera, arau horren 8., 9. eta 10. artikuluetan jasotako gardentasun eta publizitatearen inguruko betebeharrak erakunde pribatu hauei aplikatuko zaizkie: aurrekontu-ekitaldi baten zehar Bizkaiko Foru Aldundiaren 100.000 euroko edo gehiagoko laguntzak edo dirulaguntzak jasotzen dituztenei edo urteko diru-sarreraren % 40 Aldundiaren laguntzetatik edo dirulaguntzetatik jasotzen dutenei, betiere gutxienez 5.000 euro badira.

Interesdunak ematen dituen datuak foru-dekretu honetatik eratortzen diren prozedurak kudeatzeko erabiliko dira, kontuan harturik zer ezartzen den honako araudi honetan: 2016/679 Erregelamendua (EB), 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa, eta 3/2018 Lege Organikoa.

Azken Xedapenetako Bigarrena. — Arauen garapena

Ahalmena ematen zaio Azpiegituretarako eta Lurralde Garapenerako Saileko titularrari foru-dekretu hau garatzeko beharrezkotzat jotzen dituen xedapen guztiak emateko, bai eta, aurrekontuko diru-hornidura amaitu ezean, beste deialdi batzuk egiteko ere.

Azken Xedapenetako Hirugarrena. — Aurrekontuko zuzkidura

Deialdi honetan eman daitezkeen dirulaguntzak -guztira 1.000.000 euro- jarraian zerrendatuko diren aurrekontu-partiden, aurrekontu-proiektuen eta urtekoen pentzutari ordainduko dira; ondoren adierazten diren gutxi gorabeherako kopuruetan banakatuko dira, eta haien muga partida bakoitzean ezarritako guztizko kopurua izango da:



Berrikuntza proiektuen gauzatze kostuentzako dirulaguntzak	
Proiektu zk.: 2019/0120	
1003/74300/453.115	
Ekitaldia	Zenbatekoa (euros)
2026	850.000,00
1003/75100/453.115	
Ekitaldia	Zenbatekoa (euros)
2026	150.000,00

Aurrekontuko partidei esleitutako kopuruak gutxi gorabeherakoak dira. Onartzen diren eskabideen arabera —pertsona eta erakunde onuradunen izaera juridikoak eta diruz lagundutako gastuen kontzeptuak askotarikoak izan daitezke—, aurrekontuko partidei esleitutako baliabide ekonomikoak aurrekontuko kapitulu bereko beste partiden artean egokitu ahal izango dira. Horretarako, ez da beharrezkoa izango foru-dekretu hau aldatzea, betiere partiden zenbateko osoak ezarritako muga gainditzen ez badu.

Horrez gainera, behin eskabide guztiak ebatzita ez bada iritsi aurrekontuaren gehieneko mugara, gastu-baimena deuseztatzea tramitatuko da, soberan den zenbatekoan, eta horretarako ez da beharrezkoa izango foru-dekretu hau aldatzea.

Dirulaguntzen Erregelamendua onesten duen 2010eko martxoaren 23ko 34/2010 Foru Dekretuaren 43. artikuluan ezarritakoaren babesean, aurrekontu-zuzkiduren zenbateko osoari 100.000,00 euro gehitu ahal izango zaizkio, gehienez, bai eskuragarri dauden kredituak gehitu direnean —kreditu-zabalkuntza, -sorrera edo -txertatzearen ondorioz—, eta bai kopuru osagarri bat dagoenean —aurreko deialdietako eskaerak aurreikusi baino zenbateko txikiagoan ebatztearen ondorioz—. Halakoetan, kreditu osagarri hori soilik izango da eraginkorra baldin eta kreditu horren erabilgarritasuna adierazita badago. Adierazpen hori dirulaguntza emateko ebazpena eman aurretik egin beharko da. Gehikuntza hori eskumena duen organoak baimendu beharko du.

Azken Xedapenetako Laugarrena.— *Indarrean jartzea*

Foru-dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2026ko apirilaren 1ean.

Azpiegituretarako eta Lurralde
Garapenerako foru diputatua,
CARLOS ALZAGA SAGASTASOLOA

Ahaldun Nagusia,
ELIXABETE ETXANOBE LANDAJUELA

**I. ERANSKINA****BALDINTZA OROKORRAK****ADMINISTRAZIO-BALDINTZA OROKORRAK**

1. Onartu den proiektuan zehaztuta dauden lanak baino ez dira egingo. Proiektuan ez dauden jarduerak eta lanak beste baimen bat behar dute.
2. Lanak egitean proiektuaren sustatzaileak onartu den proiektuari aldaketaren bat egin nahi badio, orduan, proiektuaren exekuzioa geldiarazi beharko du, aldaketak ukitutako zatian, eta hori onartzeko eskatu. Aurkeztuko den dokumentazioak hasierako baimenean eskatutakoaren lerrun eta izaera berekoa izan beharko du.
3. Lanak hasi baino 48 ordu lehenago hasieraren berri jakinarazi beharko zaio Berrikuntzarako eta Bideen Kudeaketarako Zuzendaritzari. Halaber, lanak bukatu eta hurrengo 48 orduetan interesdunak Berrikuntzarako eta Bideen Kudeaketarako Zuzendaritzari abisatuko dio, lanak bukatu direla egiaztatzeko.
4. Lanak aurkeztu den proiektuaren arabera exekutatu dira, eta baimenean ezarritako epeen eta baldintzen arabera. Lanok ez dute inoiz errepideetako zirkulazioa eten edo oztopatuko. Horrez gainera, debekatuta dago galtzadan, arekan edo bazterbideetan materialak, nahaskinak edo obra-hondakinak uztea. Era berean, debekatuta dago zamaletarako eta lan osagarrietarako ibilgailuak aparkatzea, eta neurriak hartuko dira istripuak saiheste aldera, hain zuzen, arrisku-seinaleak eta neurri osagarriak jarriko dira, eta, behar izanez gero, zaintzaileak eta jagoileak.
5. Baimen hau araupetzen duten baldintzetako edozein ez betetzeak sail honi ahalmena emango dio obren onarpena ondorerik gabe uzteko, eta gainera, zehapen-espedienteak abiarazi ahal izango dira. Berrikuntzarako eta Bideen Kudeaketarako Zuzendaritzak lanak gelditzeko agindu ahal izango du, baldin eta haien exekuzioan ikusten bada emandako baimenean desbideraketaren bat gertatu dela.
6. Errepideen eskumen-eremuaren barruan eta beharrezkoak diren gainerako lizentziak eta baimenak gorabehera, bide-berrikuntzarako dirulaguntzen dekretuan aldeko iritzia esparruan onartzen da proiektua, hirugarrenari kalterik egin gabe eta lursailen edo ondasunen gainean lehendik zeuden eskubideak salbu utzita. Ez dakar, inola ere, administrazio honek jabari publikoa lagatzea edo erantzukizunik hartzea diruz lagundutako proiektuaren sustatzaileari edo hirugarrenari dagokionez.
7. Diruz laguntzen den proiektuaren sustatzaileak bere gain hartuko ditu hirugarrenei edo errepideari berari edo haren elementu funtzionalei eragiten zaizkien edo eragin dakizkiekeen kalte eta galera guztiak, diruz laguntzen den proiektuaren arabera edo horien ondorioz onartzen diren obrak edo jarduerak gauzatzen diren bitartean sortutakoak.
8. Proiektuaren sustatzaileak bere kontura konpondu beharko ditu obren ondorioz errepidean hondatutako elementuak, eta lehen zeuden egoera berean utzi beharko ditu, segurtasunari, funtzionaltasunari eta itxurari dagokienez.
9. Proiektuaren sustatzaileak etengabe garbi matendu eta ondo artatu beharko ditu baimendutako lanak, bereziki errepideko ibilgailuen trafikoari edo zirkulazioaren segurtasunari eragiten badiete. Berrikuntzarako eta Bideen Kudeaketarako Zuzendaritzak, edozein unetan, lanen kontserbazio-egoera ikuskatu eta egin behar diren konponketak adierazi ahalko ditu, eta sustatzaileak adierazten zaion epean exekutatu beharko ditu.
10. Baimenaren helburu diren lan edo jarduerak Berrikuntzarako eta Bideen Kudeaketarako Zerbitzuko langileek edo hark izendatutako beste batzuek ikuskatu ahalko dituzte. Interesdunek, berriz, ematen zaizkien aginduak edo jarraibideak bete beharko dituzte. Halakoak ez betetzeak berekin ekarriko du baimena ez betetzea.
11. Diruz laguntzen den proiektuaren sustatzaileak, eskatzen zaion guztietan, eskatzen zaion informazio eta lankidetzak guztia eman beharko du, eta obrei edo jardueri buruzko informazio tekniko osagarria bildu ahal izango du, obretara sartu ahal izango da eta datu fisikoak hartu ahal izango ditu materialen kontrol geometrikoa eta kalitatezkoa egiteko, onartzen den proiektua betetzen dela eta trafikoan duen eragina egiaztatu ahal izango du, bai segurtasunari dagokionez, bai gaitasunari dagokionez.



12. Trafikoa etetea beharrezko denean, nahiz eta partzialki eta denbora laburrerako izan, etenaldi horren berri eman beharko zaie Berrikuntzarako eta Bideen Kudeaketarako Zerbitzuko Bideen Berrikuntzarako Zerbitzuari, gutxienez aurreikusitako momentua heldu baino 48 ordu lehenago. Etenaldiaren gutxi gorabeherako iraupena adierazi beharko du, Bizkaiko Trafikoko Ertzaintzari jakinaraz diezaion.

13. Proiektua onartzeak ondoreak izango ditu proiektua onartu eta burutzeko ezarri ziren xedeak, irismenak eta epeak dirauten bitartean.

14. Edozein unetan, Berrikuntzarako eta Bideen Kudeaketarako Zuzendaritzak, ofizioz edo parteak eskatuta, proiektuaren onarpena aldi baterako edo behin betiko aldatu edo eten ahalko du, baldin eta gero onetsitako arauekin bateragarria bada, jabari publikoan kalterik egiten badu, interes publikoko jardueretarako erabilera eragozten badu, edo foru-errepideen plangintzaren ondorioz, haien zabalpenerako, hobekuntzarako edo garapenerako hori beharrezkoa bada edo bide-segurtasunean eragin txarrik badu.

BALDINTZA TEKNIKO OROKORRAK

1. Beharrezko material-pilaketek ezin izango dituzte jabari publikoko eremuak okupatu, eta, salbuespenezko kasuetan eta hirigintza-plangintzako kasuetan izan ezik, zortasunekoa.

2. Lanak egiten diren bitartean, bidezorua eta gainerako errepide-zerbitzuak lokatzik eta lokatzetako hondakinik gabe eduki behar dira. Sustatzailea izango da hori ez betetzeagatik gertatu ahal diren istripuen erantzulea.

3. Lanengatik kalte egiten zaien errepideko elementuak lehengoratu egin beharko dira.

4. Behar bezala seinaleztatu beharko da lanek ukitzen duten errepideko tartea, «Lan-seinaleztapena» izenburuko 8-3-IC Arauarekin bat etorririk. Arau hori 1987ko abuztuaren 31ko Ministerioaren aginduaren bitartez onetsi da. Agindu hori herritik kanpoko bideetako lan finkoen seinaleztapenari, balizajeari, defentsari, garbiketari eta bukaerari buruzkoa da (Estatuko Aldizkari Ofiziala, 224. zk., 1987ko irailaren 18a). Seinaleak lannaldiz kanpo kendu beharko dira, kentze horrek errepidearen erabiltzaileari arriskurik ez badakarkio. Gaueko orduetan edo ikuspen eskaseko orduetan seinaleztatzea beharrezko izanez gero, seinale argidun edo islatzaileak erabiliko dira. Seinaleztapena osorik kenduko da ez-beharrezkotzat jo eta berehala.

5. Lanak egitean, ez dira oztopatuko ez aldaraziko ibilgu naturalak ez errepidetik hurbil eroritako urak doazen eta bideratzen diren fabrikako lanak.

6. Errepidetiko zama-lanak egunez burutuko dira. Ibilgailua errepidearen plataforma (gutxienez) libre utzirik ipini behar da.

7. Lanak bukatu ostean, ukitzen den errepidearen zatia lehengoratu beharra dago.

**II. ERANSKINA****ERABILTZEN DIREN FORU ERREPIDEETAKO ZORU ESPERIMENTALAREN
GERUZETARAKO BALDINTZA TEKNIKO ESPEZIFIKOAK**

Eranskin hau Bizkaiko Foru Aldundiaren titulartasuneko errepideetako probetan bakarrik aplikatuko da. Eranskinak ezartzen dituen probak foru-errepidea zaintzeaz arduratzeko den unitateak onartu behar ditu aldezturik.

Proiektuaren exekuzioa agerikoa izan beharko da, eta erabiltzaileei jakinarazi beharko zaie, tartearen hasierari eta amaierari buruzko abisu-seinale bana instalatuz. Seinale horietan, honako testu hau jasoko da, hurrenez hurren: «Probetan dagoen tartea. Kontuz ibili. Errespetatu abiadura-muga» eta «Probetako bide-zatiaren amaiera».

Aplikazio-eremua

Baldintza teknikoaren eranskin hau zoladura-geruzari dagozkion material eta obra-unitateei soilik aplikatuko zaie (bide-zoruaren goiko geruza: erroadura, bitartekoa eta oinarria). Oinarriko eta azpiko zoladurako beheko geruzak kanpoan geratzen dira, I+G+B proiektuetan behar bezala kontrolatzeko eta probatzeko behar den eragin-maila eta egikaritze-irismen handia dela-eta. Kasu horietan, egikaritzen ari diren obra-zatietan ezartzea gomendatzen da.

Erroadura-geruzarako baldintzak

Errepideen kudeaketa operatiboan bide-zoruaren erroadura-geruzari ematen zaion garrantzia kontuan hartuta, erabiltzaileentzako segurtasun-ezaugarriak eta erroaduraren kalitatearen eta iraunkortasunaren arloetako ezaugarriak bete behar dira.

Zoru esperimental baten ezarpenaren jarraipena eta kontrola egiteko, ezinbestekoa da ezaugarri horietako bakoitzaren kalitate-estandarrak egiaztatzea eta horiek araututako baldintza-baldintza egokiak onartutako baldintza-baldintza egokiak ez murriztea, erabiltzaileentzako erosotasuna barne.

Erroadura-geruza batek erabiltzaileentzat eskaintzen duen segurtasuna, neurri handi batean, gainazaleko ezaugarrien arabera da, hau da, itsaspena eta drainatzea. Kontuan hartu behar da itsaspenaren hedadura edo urtaro-aldaketa. Bide-zoru esperimentaletan etengabeko jarraipena egin beharko da proiektuak irauten duen bitartean, proiektuaren balioak egokiak direla egiaztatze aldera.

Horregatik guztiatik, hainbat entsegu egin beharko dira urtean zehar eta diruz laguntzen den proiektuak irauten duen bitartean, gutxienez bi urtez.

Epe horretan, diruz laguntzen den proiektuaren arduradunak egin behar ditu aztertzen ari garen errepide-tartearen beharrezko mantentze-lanak.

Eta azterketa-aldia ezarritako irismenarekin eta xedearekin amaitu ondoren, zoladura esperimentalak kendu eta erroadura arrunteko geruza bat jarri beharko da, alboko errepide-tarteen zehaztapen berekoa. Obra-harrerako saiakuntzen bidez egiaztatu beharko dira berriz jartzen den erroadura-geruzaren ezaugarriak, PG3 eta Euskal Autonomia Erkidegoko Bide-zoruei buruzko Arauarekin bat etorriz,

Aurretiazko entseguak

Aurretiazko entseguen emaitzak egiaztatu egin beharko dira, proiektuan erabiliko diren material eta obra-unitateetarako Euskal Autonomia Erkidegoko Bide-zoruen Arauan eta PG3an ezarritako baldintzen arabera. Emaitzen baliozkotasuna egiaztatu ondoren, aurretiazko txosten batean jasoko da, eta, horrezaz gain, txosten horrek osagaien dosifikazio-proposamena eta diseinatu beharreko lan-formula jasoko ditu.

Jarraipen-entseguak

Honako hauek izango dira beharrezko jarraipen-entseguak:

— Ikuskapen bisuala hiru hilean behin.



- Irristadurarekiko erresistentzia. Urtean CRTren 6 entsegu egin beharko dira, 4 entsegu Griptesterrarekin (hiru hilean behin) eta 2 entsegu SCRIMekin (sei hilean behin), urtaroen bilakaera hautemateko gai izateko. Era berean, urtean bi makrotestura-entsegu egin beharko dira laser-profilometroarekin, drainatze-ahalmena neurtze aldera, bat eguraldi lehorrean eta beste bat zenbait egunetan euri asko egin ondoren.
- Azaleraren erregulartasunaren ikuskapena hiru hilean behin (errepide-tartearen luzeraren arabera).

Oinarri-geruza eta tarteko geruzetarako baldintzak

Baldin eta geruza esperimentala oinarri-geruza edo tarteko geruza bada, geruza horien alorrean eskatzen diren ezaugarriak ere bermatu behar dira, erosotasun-, segurtasun- eta iraunkortasun-eskakizunak bete daitezen.

Era berean, errodadura-geruzaren kasuan lehen azaldutako baldintzak aplikatuko dira.

Aurretik errodadura-geruzarako ezarritakoaz gain, azterketa-aldia amaitu ondoren, ezarritako irismenarekin eta xedearekin, zoladura esperimentala kendu beharko da, eta oinarriko eta tarteko geruza eta errodadura-geruza arrunt bat birjarri, alboko tarteen zehaztapen berberarekin. Birjartzen diren geruzen ezaugarriak obra-harrerako entseguen bidez egiaztatu beharko dira, PG3arekin eta Euskadiko Bide-zoruen Arauarekin bat etorritz.

Aurretiazko entseguak

Aurretiazko entseguen emaitzak egiaztatu egin beharko dira, proiektuan erabiliko diren material eta obra-unitateetarako Euskal Autonomia Erkidegoko Bide-zoruen Arauan eta PG3an ezarritik dagoenaren arabera. Emaitzen baliozkotasuna egiaztatu ondorik, aurretiazko txosten batean jasoko da, eta, horrezaz gainera, txosten horrek osagaien dosifikazio-proposamena eta diseinatu beharreko lan-formula jasoko ditu.

Jarraipen-entseguak

Honako hauek izango dira beharrezko jarraipen-entseguak:

- Ikuskapen bisuala hiru hilean behin.
- Irristadurarekiko erresistentzia: Euskal Autonomia Erkidegoko PG3 eta/edo Bide-zoruen Arauan errodadura geruza konbentzionalerako ezarritik dagoenaren arabera.
- Obra-harrerako entseguak egingo dira, PG3an eta/edo Euskal Autonomia Erkidegoko Bide-zoruen arauan aurreikusirik dagoenaren arabera, errepide-tarteko geruza esperimentalei edo oinarrikoei aplikatuta.
- Azaleraren erregulartasunaren ikuskapena hiru hilean behin (errepide-tartearen luzeraren arabera).

Proiektua garatu bitartean jarduteko irizpideak

Diseinu-fasean, aurreko baldintzak betetzen direla egiaztatu beharko da, aldez aurretik errepide-tarte esperimentala egiteko baimena emanez gero. Horrezaz gainera, honako dokumentazio hau definitu eta entregatu beharko da:

- Egin beharreko obren deskripzio-memoria.
- Zoru esperimentalaren azterlan teknikoa eta planteatzen den soluzioaren justifikazioa.
- Planoak: kokapen-planoa, eraginpeko foru-errepideak barne; oinplanoko planoak eskala adierazgarrian; foru-errepiderako sarbidearen proiektua; zamaletarako eta material-pilaketarako eremuak.
- Eraikuntza-faseak eta lanen programa, fase bakoitzean jarri beharreko obra-seinaleekin (Errepideen Araua 8.3-IC eta «Obra finkoen seinaleztapenaren adibideen



eskuliburua»), foru-errepidearen segurtasuna eta funtzionaltasuna bermaturik gera daitezten.

- Aurrekontua: jarraipen-entseguak; lehendik dagoen zorua gauzatzeko eta lehen-goratzeko lanak.
- Errepideak ixtea eta aldi baterako okupazioak: kokapen-planoa; data eta ordutegia; jarriko diren seinaleak; saihesbideen planoak.

Egikaritze-fasean, bide-segurtasuna, kontserbazio-lanak eta errepidearen ustiapena bermatzeko irizpide orokorrak bete beharko dira. Lanak egiten diren bitartean, proiektuaren xede den errepide-tartean lehendik dauden elementuak errespetatu eta erabiliko dira, hala nola, drainatze-elementuak, komunikazioak, ukitutako zerbitzuak, euste-heziak, seinaleak edo proiektuaren parte ez diren beste batzuk. Kalterik gertatuz gero, sustatzailea izango da hura bere kontura birjartzearen erantzulea.

Jarraipen-fasean, adierazi diren aldietan, jarraipen-proba eta jarraipen-entseguen emaitzak jaso eta gauzatu beharko dira. Baldin eta informazioa edo emaitzetan eska daitekeen balioa aldi baterako betetzen ez bada, Euskal Autonomia Erkidegoko Bide-zoruen Arauan eta/edo PG3an ezarritik dagoenaren arabera, lehendik dagoen zorua jarri beharko da zoru esperimentalaren ordean, eta berehala egikarituko da.